

重修花縣志

吳道鎔題籤

四



人物志

人物列傳目錄

明

湯性方

駱士弘

黃皞

黃學裘

黃學準

張大猷

畢于禎

畢烜

王命卿

徐龍禎

曾暉

畢鳴相

畢汝濟

黃學倫

江既道

譚志尹

譚必顯

于鼎輝附

清

黃士龍

徐爵魁

駱建剛

宋廷楨

宋灝

宋澍

宋廷桂

宋維屏

宋維熾

宋維鑾

宋維翰

陳義

姚先

宋蔚謙

鍾鴻灝

宋萱謙

宋維釗

黃榮威

謝祖安

駱秉章

袁釗

畢應中

朱鳳翔

利普

駱炳然

曾貫忠

曾守忠

朱桂芳

任炳光

宋衍

姚志臣

宋崑田

宋維璋

宋錫珍

葉松齡

花縣志

卷九

人物志 人物列傳目錄

一

劉純青

許焜

湯金銘

朱珩

駱本釗

湯允良

湯紹亮

湯聘莘

湯國楨

利珣

黃熾雄

列女傳

劉氏

黃氏士龍姊

宋楊氏維釗妾

宋王氏紹唐未婚妻貞婦

宋陳氏維屏妾

徐宋氏烈婦

黃吳氏秀壽妻

湯范氏范定邦女

畢鳳姑

寓賢

羅惇衍

龍元禧

蘇廷魁

人物志

人物

人之能取重於鄉者雖歷年久遠聞者猶想見之花邑靈氣鬱蟠鍾奇毓秀或以功名垂竹帛或以巖穴流徽光卽粉黛笄禕而能勵節捐軀與烈丈夫並馨典策不啻先民是程矣載筆直書所以正仰止維風化也志人物

明性

湯牲方字行素花縣石湖村人舉永樂甲午鄉薦讀書成均初授刑部主事歷員外郎在部多所平反正統初遷廣西按察司僉事一方肅然時阿台朶兒只伯數爲邊患上命兵部尚書王驥行邊以性方才畧可用遷陝西行軍副使從驥及侍郎柴車僉都羅亨信等禦敵塞外調度有方每遇功賞必覆驗而後行無冒濫者以親老請告歸里口不言功優游泉石凡十餘年

據舊志

駱士弘號丫山縣屬駱村人幼讀書英敏壯志宏大中弘治乙卯鄉試正德甲戌會試進士是科會元霍韜爲鄉鄰媿美惟公見明政不

花縣志

卷九

人物志 列傳

綱不願仕進居恒嗜詩禮通羣經大義尤達於春秋著爲春秋地輿攷春秋大義補晚耽吟詠有惟於世外開青眼懶爲兒曹折此腰之句世傳爲雅談時雖隱居鄉曲而名動公卿士從遠方慕道而來者日集於門成就日衆海內稱人師焉遺著有丫山詩草膾炙人口如赴壑題贈游應韶君絕句人間快活是神仙放下犁鋤看簡編新釀甕頭原酒熟一瓢沈醉曲肱眠可知公生平志趣矣世傳公與游應韶黃希尹佛山參政梁曰孚會元霍韜舉人鄧賁齋翰林吳明尹儒生甘盞爲金溪觴詠之游人以比飲中八仙歌云公生子一峰官授西寧營參將時嘉靖四年乙酉也

黃皞字時雍號欒坡壘頭村人成化乙酉舉於鄉讀書太學幾二十年明習典故試銓曹第一授吏部司務轉驗封司員外郎時東廠權燄特盛曹署請謁必跪皞以頒歷往惟長揖而已尋擢江西右參議督理糧儲機察明敏猾胥不能售其奸竈庶人蓄異志禮多僭擬庶僚朝見輒贊叩頭皞伏不動候贊畢而興識者以爲得體已欲增祿米之值皞執不可庶人怒遣儀賓動以危言曰王已具奏布政林泮

已下且斬皞徐曰第斬吾一人足矣彼何與焉議竟沮庶人屢欲摺  
撫其私終不可得正德丁卯劉瑾用事裁督糧官皞輕舟徑去行李  
蕭然明年朝議以舊職起未赴擢雲南左參政所部納樓茶甸長官  
死妻沙福代與夫弟普顯治兵相攻數年死者甚衆皞卑車往諭二  
渠皆盛兵自備召而詰之盡得其情乃執通把數董將撻之操兵者  
望風奔潰度其已困釋之曰日暮且休矣遲明俱來吾有誠約詰旦  
二渠皆束身伏庭下聽命與之定約而歸居數月二渠各行千金求  
變初約皞峻却之竟弭其亂初安南長官那代攻破蒙自鹵其令祿  
鄉族屬負固垂二紀皞濬塹增陴調餽練兵若將征之者代懼請歸  
祿鄉族屬乞緩師以圖自新由是威震六詔巨璫崔安附瑾作威且  
忘其功賞語侵之皞不少屈聲色俱厲安乃愧服連呼鐵漢吏民因  
稱鐵漢公云比致政垂橐而歸觀者泣歎謂三原公無此廉節也卒  
年七十三子學裘學矩學齡學準延年並舉於鄉延年領壬午解首  
學裘祀龍溪名宦尤最著者據舊志

黃學裘字本治別字介軒正德丙子科舉人庚辰科登乙榜進士公

花縣志

卷九

人物志 列傳

二

少卓犖不群文思精進蚤歲常作廣州八景詩送其姊夫蘇某北行  
帶京師大爲時輩稱賞游學宮試場屋甚有稱而未達櫟坡公曰吾  
有子繼書香而未遇若此諸子多幼恐吾老不及見耳大夫捐館讀  
禮三年正德丙子當大比公忽夢入藩司見左轄方公諱良節者時  
公方北上謂之曰爾有家書附尊翁耶曰無之吾見當爲爾報登科  
喜矣未幾方公道卒於韶稍自負是秋果中式時年三十七矣試南  
宮得乙榜降福建龍溪學教諭時同舟一省察乃鄰鄉神山村人以  
病故舟人埋其棺於岸側一子十餘歲復欲逐之公令收養携還其  
家學俸淡薄居數月遂分寄二十金與弟等作北試途費皆人所難  
也訓諸生以道義堂月試自措紙筆激賞之所取士如張堅鑄淵等  
皆一時名士漳人好訟既知公有重望其赴縣不得理者悉趨學宮  
求爲剖斷曰得公一言而死不憾公乃閉戶峻絕間以理諭遣之嘉  
靖壬子忽得痢疾甚劇易篲之日尙冠帶見諸生永訣拱手而逝得  
年四十三歲諸生哭之慟釀金以襄後事殯殮且經手不假於人門  
生陳主道魏講哀公實行衆稱爲介軒先生督學使者高其行誼祀

之名宦

據採訪冊

黃學準字本平參政筭第五子領正德乙卯鄉薦嘉靖間授崖州學正崖地荒遠士不知學學準訓以經義多所成就遷潛江令邑當江漢衝夏潦至沒城公署中可舟也學準築堤捍之患遂息劇盜夏三流劫湖湘間羣邑兵不能制學準密計擒之初皇莊人藉三行劫學準并擒之中官廖斌索不與而治兵使者亦忌其功兩人交搆遂改淮安教授久之擢國子監助教出判潯州又署貴縣事里甲日供堂饌千錢學準曰此皆民脂也一切不受百姓德之既歸與何維栢及霍與瑕結詩社於盍簪樓所著有家園諸稿

據採訪冊

張大猷字元敬花縣李溪陂人舉嘉靖壬子鄉試第一登丙辰進士授工部主事差視徐州洪開洪決總河尚書欲改故道猷爭之不得疏條十議而尚書所治河究無功大猷歎曰河固未可力爭也築防疏壅水漸底平踰年水益橫守臣窮于策大猷乃齋戒請禱俄而水却徐人德之為建祠祀事聞奉璽書褒榮未幾以忤權貴調判鄭州遷大名府判遷吉安同知皆有惠政擢雲南提學僉事遽卒性豪放

花縣志

卷九

醒 人物志 列傳

三

嗜酒當廷對時宿醒未解千言立就卒中高等仕官十載囊橐蕭然然貧交待而舉火有友人遣女資粧不辦窘以告猷猷曰第飲即辦悉坐上盞罍及出煒褥贈之其豪放率類此嘗著文章源委諸編何鏗序而傳之

據舊志

畢于禎字兆先號梅谷花縣畢村人

原隸番禺

由南海廩生中嘉靖二十八

年己酉科第十四名舉人授江西吉安府福縣教諭署廬陵萬安兩縣事典試四川授瑞州高安縣知事廉明慈惠士民稱為畢母在城外捐建橋梁民不病涉人號為畢母橋時御史陳公表于禎治行第一疏薦卓異超擢南京西城兵馬司正指揮使闔邑攀留共上遺愛圖以誌戴後致仕年八十有三卒於家

據嘉靖間續修縣志底及畢氏族譜

參補

畢烜字彥晦別號粵溪花縣畢村人讀書一覽輒記嘉靖辛卯舉於鄉登嘉靖壬辰進士授戶部主事時年甫二十請歸娶畢婚未幾卒嘗念郡北諸山綿亘數邑地皆荒僻擬於丫髻山下請設州治又以獅嶺司地歲常苦旱欲開河百里以便灌溉事不果行人多惜之然

至今立邑適符其議

據舊志

王命卿字簡之花縣九傳湖人由南海學中萬歷癸丑科進士授福建福清縣清介自持不阿權貴調五河有治聲遷刑部主事歷郎中遷湖廣長沙府知府時內璫魏忠賢擅威權摧殘善類吏部劉弘化忤賢削職坐臈罄產不辦卿陰爲之寬及賢誅弘化得復原官不及於禍卿之力也致仕鄉居每以祿不逮親爲恨自號匪蓼人多其孝云

舊據志

徐龍禎字騰九花縣大塘邊人家貧力學博通經史妻湯氏嘗以紡績佐之崇禎癸酉舉於鄉初授福建福甯州知州累官禮部儀制司員外年六十七爲人沉靜有志節當公車時爲闖賊李自成所執不屈及鄉居一遇歲饑設法賑濟存活甚衆

據舊志

曾暉字目昭花縣吉邠人爲諸生有名然其品行孤介得歲貢棄去就食雷峰僧寺益肆力於經史詩歌古文著述不一其毛詩疏義識解超絕間出宋諸儒之上文則比事儷詞上幾晉宋七言淵靜有法又善行楷書皆適勁愛與知交相對穆然淡而能久居雷峰寺十餘

## 花縣志

### 卷九

人物志 列傳

四

年後逃爲僧卒於東官芥菴

據舊志

畢鳴相字楨國號順齊花縣畢村人年十八始閉戶讀書日夜不輟稍欲睡卽去坐倚柱站立沈思後以攻苦過度有咯血之病遂博聞強記弱冠補番邑弟子員其上交不媚權貴以忠厚儉樸世其家每朔望必喚其子孫羅列一堂訓之曰吾族某如何讀書如何制行故其本忠孝以垂子孫若何汝曹當知所法戒某村某其先人與吾家如何親如何愛汝曹當知所敦篤嘗繪遺像畫工欲盛文色相曰無庸吾平生無綺羅緣卽金扇朱履爲儒生本色吾亦從未之有但寫葛巾布袍以樸素示後人足矣子孫時則所嗜冀知所供養相曰吾未嘗爲官無厚精遺汝曹粗飯之外甯事過計耶且吾少食以滋後福俾汝曹得多食何不可竟日危坐以課書課文終其身父母俱八十餘歲生平惟舉三子三子皆成立年六十餘始以報親喪涕泣前此殆無可悲也次子汝濟季汝弼俱庠生九男孫長孫桂郎庠生五孫桂芳歲貢生自相而上數世皆覩四代兒孫天倫之樂鄉鄰稱盛壽九十不病而終咸以爲德福兼備云

據舊志

畢汝濟字川子花縣畢村人年二十餘充南海弟子員孝事二親飲食必親進居喪哀毀過節遇祭日輒悲傷不能成禮八十初度子孫親朋欲製錦梨歌以祝濟曰吾未能以此奉親深自愧悔安忍受此拒不允性重義好施娶盧氏賢而不壽矢志不立繼室宗族有貧難者歲咸捐助嘗讀書見范文正公先天下之憂而憂後天下之樂而樂即掩卷歎曰人生若不得以此待天下亦當以此處鄉閭故族有患難不平事必維持調護報謝一無所取事無大小人皆就而請剖焉晚號巨菴所著有毛詩庭課畢氏家訓等書終年八十五長子桂郎庠生季桂芳花縣歲貢生

據舊志

黃學倫號肖源花縣岐山人七歲而孤母曾氏誓志不再嫁撫以成立及長每以嚴親未得終養爲恨事寡母孝養備至母歿飭粥三年哀毀骨立鄰里憐之性公直一介不苟居城里人三推約正援例公舉鄉耆黨正初有市人何某以事註擬有力鬻其子以辦贖緩倫詢知其故即代納而還其子咸以長者稱焉及居鄉日以仁義訓誨子姓導化里鄰故自花山猖獗以來薰蕕漸染鄉人無一掛公議者則

## 花縣志

### 卷九

人物志 列傳

五

皆倫敦之有素也時賊大肆劫掠者不可勝計凡有從賊中逃出者即報司給票送以甯家及入山購贖之人纍纍不絕行者無依倫議備米薪爨具於本村祠中使得食息且議鄉夫防守行李無虞間有病且老者必慰安調養俾無恙而後去以故南三遠近被難之衆咸目岐山爲恩村爲仁里云順治癸巳歲大饑斗米千錢倫以輸將八省適有高明故舊黎陳等六人株連逮獄是時山寇四起村落憂惶倫乃留寓省中不爲家計日周旋其間厚遺守者通其薪水俟六人得白倫始歸鄉家人問故倫曰高明爲端州屬邑西逆李定國困端州鄉間阻絕予一轉足則皆饑沉囹圄矣知而不恤豈故舊所敢出哉天下事有緩有急我非不以家爲念也其立心制行恤孤貧排紛難率多類此終年八十九歲遠近哀悼或致涕零女黃氏庚寅城破投井完節載番禺志中子士龍領壬子鄉薦議者謂倫有家訓樹德者必獲報云

據舊志

江旣道字禹甸號奕山係獅嶺司楊武都何嶺堡四十一圖八甲人小圃村住郡庠生恬淡篤修耄期不倦九試棘闈蜚聲庠序少喪父

事母以孝聞處閭黨以長者推公門屏跡庭訓義方兩經學師崇薦  
懿德學憲嘉獎篤行訓三子江經江緯江濟壻盧雲鶚均列序家  
聲克繩焉據舊志

譚志尹字文宇水西司藏書院人務本節儉行誼端方宅心寬恕人  
有稱貸不取文券不忍相負鄉鄰構訟文字不列証佐庭鞠之時直  
者願得一言以爲質曲者有受知彥方之羞兄弟三人分家財讓兩  
弟先取人咸稱其古三田風鄉邦推重周延儒主粵東嘗試以壽文  
見祝庚寅鼎革鄉羅兵變不遭荼毒終年八十八孫鼎輝邑庠廩生  
孫經邦邑庠增生經禮邑庠附生後先濟美焉據舊志

譚必顯字毓明志尹長子水西司藏書院人攻苦學屢試不售隱居  
課子孝養雙親以正直推重鄉里明季掌邑總書有餽金去求米者  
輒拒之己丑歲荒穀貴每石價騰二兩有奇行乞遍衢巷盡捐所有  
以相濟後至家給不足鄉人笑之曰舍己爲人若是毓明曰人饑寒  
我飽煖不忍也鄉鄰有親喪貧難無措即助之棺槨間有古喪無人  
埋葬者爲捐資擇地以葬之毫無所吝庚寅鄉遭兵變集家衆謂之

花縣志

卷九

人物志 列傳

六

曰仁者必有後吾家積德數世當無患於是盡搜歷年借券對天焚  
之爲人慷慨好施大量如此子鼎輝例應康熙二十九年正貢孫經  
邦蜚英庠序衆孫繩繩翰藻世以爲忠厚之報云據舊志

黃士龍學倫子康熙十一年壬子舉人先是花山隸番禺與從化界  
明季巨寇據爲盜藪劫掠鄉村流毒行李朝議屢經征剿而兵來賊  
去兵去賊來失業流亡者將五十年士龍目擊其狀怒焉傷之康熙  
二十二年上書條陳禦盜保民之方倡設建縣大憲允之並令王永  
名來知縣事於是開山堙谷鑿石填坑城垣衙署一律創建遺黎復  
業貧者給以牛種耕鑿復興至康熙四十一年邑人呈請與知縣王  
永名分祀名宦鄉賢據舊志

徐爵魁字位元性孝友尤重睦鄰好行善舉縣設義倉積儲賑濟殷  
富輪董原屬美舉但日久弊生每多賠累莫肯經理甚至倉址廢滅  
難稽而官仍勒富戶管理不已名曰倉頭賄則可免否則難逃公憫  
各富戶無辜牽累稟官革除今無倉頭之累者皆公之力也嘉慶十  
年邑侯狄尙綱資扁題曰端謹可風據採訪冊



駱建剛駱村人<sup>號</sup>直山性質樸少讀書雅慕貨殖壯遊羊城見遺金拾還其人莫不稱其忠厚於省垣創有生理以爲未足展其所長也附舟往象郡行至悅城海颶大作合船色變公危坐默祝忽有青龍蟠桅頂風定衆始安抵岸有龍母廟焉公知藉神扶危也至蒼梧海貨騰貴建質庫持籌於兩粵之間以有易無獲利巨萬於是重修龍母廟務壯大觀悅城人以公不惜重貲擴其廟貌於偏堂立公祿位以誌不忘公好平好作善鄉閭戚友受其周卹而存活者無算遇災歉以普濟爲己任都城隍歲更衣公必先焉見後樓將傾公鳩工倡修之其事神多類此性愛鄉里凡鄉黨嫻親赴梧商賈者多爲公所汲引享壽七十餘人以爲忠厚之報善行多載入慈海初集憫濟編等善書云<sup>駱氏家譜</sup>

宋廷楨字金甫佳錦山人嘉慶甲子科副榜戊辰恩科順天舉人已恩科進士欽點即用知縣分發四川補汶川調補富順歷署秀山營山岳池內江代理茂州直隸州知州理番廳同知歷充戊寅己卯乙酉三科四川鄉試同考官當其權秀山也秀山東界湖南永綏苗

花縣志

卷九

人物志列傳

七

疆西南界貴州松桃苗民襍處號稱難治廷楨恩威并用民情翕然適值春荒出食穀賑濟所存活者以萬計而秋歉未償旋丁母艱上官以虧帑甚鉅指責維嚴留未得去而邑紳富民出貲代繳皆曰邑侯此舉民命攸關實心實政感何能忘蓋其利物濟人之心固闔邑所共見知者也服闋起復補汶川汶川地環土司土瘠民多甲於川省署舍肅然案牘稀少聽訟之餘進諸生談文論道與邑人相安無事焉代理茂川直隸州數月清操自勵囊橐一空而貧苦蕭索之狀未嘗自陳於進謁時上官亦未嘗不知其操持而重其才之可大用也在任八年調補富順富順爲衝繁疲難最要之缺設有自流鄧井關兩縣丞分駐佐理詞訟浩繁廷楨隨事判決其積久疑難重案尤多所平反邑地產鹽民居殷富廷楨屏絕苞苴沼期周察紳民仰公之德羣以庇匪相勸誠而邑稱大治當其未蒞富順也先署內江內江與富順相毘連卸內江縣時士民遮道攀留在富順六十生辰內江紳民買舟駕車越境稱觴上壽廷楨辭焉內江紳民因致詞曰吾儕久沐思膏願君壽考福星遠照俾吾鄰邑長庇太平之福廷楨延

之入訓以事親敬長之儀勤儉養生之事紳民唯唯皆頓首叩祝而退蓋其遺愛在人故於去任後猶令人追思不忘也廷禎性剛直秉正不阿先是有曹典史者人甚柔滑廷禎以曹身為末吏時訓以不得曠職尤戒越俎公事偶或不謹面加斥責不避嫌怨後曹陞至藩司不忘宿怨每欲乘隙吹毛求疵而廷禎不憂不懼悉本至誠而齟齬者亦以無瑕可指久而安焉其正直類多如此六十一歲引疾歸六十九歲卒於家其子宋蔚謙為咸豐壬子恩科進士父子進士家聲濟美云

據採訪冊

宋灝字由溪佳錦山人嘉慶戊辰恩科舉人大挑知縣分發四川權綦江蓬溪授新津移知江津所至崇儉去奢躬訪民間疾苦一切夙弊革除殆盡最留心小學手鑄木鐸擇聲音清亮者分徇于路宣聖祖仁皇帝上諭及洪武六諭所分給勸學蒙養訓厚風俗等小歌幾至萬本初權綦江修葺瀛山書院廣膏火田租建節孝鄉賢名宦等祠旌耆老凡五代同堂八旬齊眉者十餘家俱給匾對以邑乘久廢設局編緝親自總修成書一十二卷舉五六百年所殘缺而煙沒

## 花縣志

### 卷九

人物志 列傳

八

者燦然大備而瓜期適代署蓬溪重修蓬萊書院置學田歲租至五百餘石之多隨署蒼溪建修前賢李蘭臺祠立祀田士民歌咏舊德有蘭臺藝彙一卷兩邑士民奉揚德化去數年而人尤思之而撫新津為最久新津民好歌舞女士游演劇無虛日羣不逞之徒因緣為奸為限於時歲令節其農忙妨耕歲暮妨守禁止之復諭以神會錢作官橋義渡字庫諸善事民歸儉樸連年戕邊諸夷蠢動官軍征剿羽檄交馳新津為川南孔道義務繁劇灝靜以待之厨饌夫馬船隻核實籌辦兵民不擾蒞新津之十年成都屬邑米價騰躍波及新津灝訪知瀘叙嘉陽多有積粟即招商曉以大義給票採買前後輓米至者百餘艘灝親為經紀按給貧民省會聞風相繼仿行米價頓減合屬賴以保存新津水與城近堤高水漲兩相傾軋為城患灝蒞任時見邑城傾圮有數百丈心常耿耿每當河水猝發時挽舟逆泝於波濤震蕩交激之間或登山而相其水之來或臨堤而觀其水之去日夜履勘食息於鄰江館悉心籌畫務使水勢暢達城跟穩固而城之屹然在望者已固若金湯矣大憲以修城功才可大用奏請調

署江津江津素號嚴邑視事後人人有召父杜母在心口則民之遊其宇者其爲歡欣交暢何如也灝九歲讀書聽講論語參也魯大喜曰聖賢乃以魯得之年十八應童子試或勸減寫其年歲乃曰未仕而習爲僞不可其每事率直類如此充辛卯四川鄉試同考官前廣東藩司江國霖即出其門作有墓誌銘以紀其事云

據採訪冊

宋澍字萼樓又字潤生佳錦山人由拔貢朝考一等中道光戊子科經魁以大挑試吏山東歷署高密下車即賓禮耆舊以興士習剪除兇惡以安黎庶高密與昌邑濰縣掖縣同爲萊州府屬邑民性剛強事文飾澍於所蒞各縣俱與士民以坦白相見訟事日稀公餘進生童相與論交講學如師之教弟子課試佳文輒手錄獎勵其有執經請業者頻爲指點雖老師宿儒亦皆心折復刊刻勸孝歌數千本頒布鄉塾誦讀維時邑紳如單偉志王慶霖等皆知名之士奉揚德化作詩頌之曰官閣頻因課士開是真廉吏自憐才四圍桃李裁花縣一夜春風化雨來又曰仁聲錫類喜偏多到處傳聞勸孝歌說向羣黎應感泣所生有忝竟如何則其化民成俗可知也高密之城積雨

花縣志

卷九

人物志 列傳

九

旁溢衝決城隅澍爲捐廉修復固若金湯而紳民於事後頌其修城之詩曰共憶頻來巡築版一番鼓勵事爭趨則其上下交孚又可見也夫清議在學校直道在儒林頌者舉其大畧而已然此特論其處常而處變則尤有難者海豐沿海與大沽隔五里許治下設有沽河口巡檢北與天津府屬靜金滄州靜海等界僅隔海口咸豐三年十月澍宰海豐適值髮匪北擾靜海與獨流鎮失陷靜雲滄州戒嚴又值天寒水堅賊在海面往來如織海豐民居風鶴懷疑流離轉徙澍默籌守禦日則守衛維嚴夜則更番防護召居民而諭之曰時事難測官民義當死守衆志城成豈避賊耶慨然有以身殉國之志兵民亦以縣官甘苦同嘗人人樂爲効力而賊卒不敢入其境邑內安然此非其忠義之忱出於至性耶大憲以其才可大用調補掖縣年六十四卒於官昔程子令晉城張子令重巖皆以講學爲政而邑大治澍著有養正篇源泉集盈科集放海集刊刻行世於聽訟餘暇迭與生童講學而邑稱治直可媲美古人云

據採訪冊

宋廷桂字西園佳錦山人由廩生中道光丙午科舉人性聰敏自進

庠後益肆力於經史詞章好學精思於五經全文周禮全文四書監本集註皆手鈔全部字字端楷嘗援程明道先生習字之說以自勵曰非欲字好即此是學富於經史尤研求學理以躬行實踐爲本於勸善經文誦習不厭連年筆舌是耕家徒壁立而於感應篇陰騭文二書每年出資印送數百本親手硃筆點記其切要語加以旁圈數十年手不停披其善與人同之心類如此咸豐四年紅匪擾亂花城失陷廷桂與其侄蔚謙在熱河行在引見十一年選授江蘇金壇縣知縣於時金陵未復盜賊麕聚常失守馮軍子材駐鎮江而金壇爲鎮江府屬邑界連常州廷桂慷慨請纓誓同殺賊適奉上諭現在金壇情形危迫着邑棟阿卽飭馮子材迅速進攻並嚴飭該府縣等趕緊籌辦器械糧餉毋得遷延貽誤等因廷桂益奮請効力至蘇常克復得保以同知用奉委到任亂離之後衙署焚毀租賃民房居住辦公民氣凋殘人心搖動廷桂加意撫循曲爲開示購取感應篇陰騭文公餘加以圈點親用硃筆跋於書面蓋用縣印頒發各鄉家置一書披覽奉行蓋痛念兵燹餘生久失教養惟此淺近質直之言而

花縣志

卷九

人物志 列傳

十

易入冀以挽世運風俗之衰救水火刀兵之厄也視民如傷之念直舉平日之所學而見諸施行視事一年以年老呈請開缺抵里後宦橐蕭然怡然自得與一姊三弟皆年逾古稀相與聚處一堂天倫之樂孰過於此優游林下數年享年八十

據採訪冊

宋維屏字建侯佳錦山人博通經史曉習兵機事父母以孝聞由增生中道光癸卯科舉人乙巳恩科進士即用知縣分發安徽充丙子壬子江南鄉試同考官初補五河大憲以爲政清勤士民愛戴調補蒙城維時盜氛日熾公練兵民爲守禦計訂議章程八條一派雇團丁以資保圍一酌分段落以便呼應一置給器械以資捍禦一嚴查匪屋以清盜窩一添設棚卡以期周密一輪班防警以均勞逸一分股稽查以專責成一預籌經費以垂久遠詳稟上憲報可通飭各州縣照舉辦蒙城境內籍以安堵咸豐三年四月賊踞臨淮公卽通稟巡撫李嘉端藩司奎綬臬司張印塘欽差大臣周天爵以臨淮關爲西北要地逆賊分股竄踞亟應截擊其由蒙城至歸德之劉家口一路尤須派員擇要固守四月廿一日鳳陽失守公又通稟以鳳陽

當衢要現既失陷查賊黨多係土匪當此萬分吃緊之時亟應分飭各府州縣合力剿辦以防分竄之路不宜稍涉延緩四月廿六日大股竄人懷遠此時已知事不可爲公又通稟以賊情緊急萬不可再有濡滯知縣隨身兵丁僅數十人既無一旅之師又乏可靠之將束手無策惟有激勵兵丁竭力堵禦與城存亡知縣一身何足惜將賊由蒙城西向而河南之商邱鹿邑陳州在在可虞大局何堪設想書上俱未奉批賊於四月三十日大股直逼蒙境公督同練總拔貢生陶成練長姚先陳義率練兵迎擊於縣東之馬廠溝地方親冒矢石鏖戰良久陳義死之因衆寡不敵退守縣城逆賊跟踪入復因巷戰不利急歸縣署朝服端坐大堂逆賊蜂擁而入公在堂大罵刀矛齊下立時遇害先由西路馳入偕公弟宋維翰宋維熾宋維鑾僕從翁善吾翁善汝均手刃賊被害練總陶成監生葛祖令亦格鬥同時陣亡從斃一十九口義婢添福壽二人赴井死五月初三日賊去官紳民釀錢棺斂顏色如生續後官紳民兵屢見公英威靈顯在署云至五月初十日河南歸德府失守河南巡撫陸應穀奏報賊踞鳳陽之後

花縣志

卷九

人物志 列傳

十一

斜出蒙城裏脅萬餘人並有船三四百號竄入歸德失陷核與公之先見相同此公之深謀遠慮誠至明生類如此事聞奉上諭蒙城知縣宋維屏朝服坐堂罵賊不屈不愧守土之官交部從優議卹宋維熾等一併照例分別旌卹以慰忠魂部議加贈知府銜賜葬祭世襲雲騎尉世職襲次完時給與恩騎尉世職罔替祀昭忠祠公自咸豐三年四月三十日殉難後安徽巡撫李嘉端於是年九月具奏咸豐九年六月兩廣總督勞崇光查明復具奏同治四年安徽巡撫喬松年以兵警文卷遺失據蒙城縣紳董張文虎等開具事實摺請卹并請建專祠又具奏失經大吏具奏此又見公之盛德至美總沒世而不忘也公卒年三十八歲孤子年僅六齡今光緒己丑恩科舉人大挑直隸知縣兼襲雲騎尉世職宋士伸卽公之子也

據蒙城縣志修

御祭碑文

朕惟捐軀守節人臣據報國之忱表里酬庸策府重褒忠之典偉烈無慙青史爨章用賁丹珉爾安徽蒙城縣知縣宋維屏性秉堅貞材儲幹濟名登甲第駿譽交推射策丁年鴻材可用當外職之頻膺值

惡氛之方熾爾廼躬臨險地力保危城惟期死守爰垂淚以登陣不願生還竟撓鋒而致命殊榮特錫五馬增輝遺烈猶存羣黎頌德既賜卹而昭異數復從優而慰忠魂寵賁重泉如拜及身之賜賞延累禩還敷位子之恩於戲烈傳馬革英姿增日月之光勳紀龍文亮節壯風雲之氣欽茲寵命永峙豐碑

宋維熾字嶧秀佳錦山人咸豐三年隨兄維屏在安徽蒙城任內剿賊殉難奉旨旌卹賜葬祭

宋維鑾字蘭秀佳錦山人咸豐三年隨兄維屏在安徽蒙城任內剿賊殉難奉旨旌卹賜葬祭

宋維翰佳錦山人咸豐三年隨兄維屏在安徽蒙城任內剿賊殉難奉旨旌卹賜葬祭

陳義字仁甫國泰墟人性果敢有勇力爲衆所推服在其壻宋維屏安徽蒙城任內督率鄉團訓練有方咸豐三年四月髮匪逼境率衆捍禦力戰於城東馬講廠地方力竭被報而死奉旨旌卹部議卹贈守備銜賜葬祭今其裔孫陳保陳泉等仍聚居國泰墟陳屋云

據採訪冊

## 花縣志

### 卷九

人物志 列傳

十一

姚先字貞瑞矮嶺鄉人習儒業有機謀勇畧妻弟宋維屏任安徽蒙城知縣延姚先在署襄辦文案維時賊氣甚熾維屏練兵爲守禦計委派姚先爲練長辦理得宜機謀悉協地方獲安詎咸豐三年四月三十日大股髮匪竄入蒙城時姚先守城外西路聞警馳入城內維屏端坐大堂罵賊殉節姚先手辦數賊同時遇害經大吏查奏奉旨議卹部議姚先卹贈守備銜給祭葬今其裔孫仍居矮嶺鄉云

據採訪冊

宋蔚謙字毓臣佳錦山人進士宋廷楨之子廷楨出宰四川隨任奉侍鍊達官曹由廩生中道光庚子科舉人咸豐壬子恩科進士欽點刑部主事捐升郎中咸豐四年邑內鋒煙四起遍地皆賊蔚謙在籍團練平寇有功克復縣城誘拿僞帥任喧擊敗股匪江綬統帶陸勇水勇悉合機宜襄辦鄰邑鴉湖三坑等處不分畛域協獲甘先首逆卓著戰功首勸捐輸繳項數萬而督修城牆文武衙署倉廠總理團練局務出力尤多咸豐六年十月知縣張起鵬擢其勞績詳請以知縣歸部遇缺卽選並請賞戴花翎乃經大憲批准正擬出奏旋於七年正月二十三日統帶千總王承猷武生鍾鴻灝會剿清遠湯塘竄

匪在四九墟督戰陣亡王承猷鍾鴻灝同時遇害奉旨交部從優議卹部議加贈道銜皆賜葬祭世襲雲騎尉世職襲次完時給與因騎尉世襲罔替崇祀昭忠祠八年二月復經邑紳黃湛營等呈請在花縣城內地方公建專祠蒙大憲入告咸豐九年十二月初二日奉上諭勞崇光奏請將陣亡郎中建祠等語廣東在籍主事捐陞郎中宋蔚謙辦團帶勇隨同剿賊咸豐七年春間在四九墟地方接仗陣亡業經加贈道銜給予卹典茲據該督奏稱花縣紳民請於城內建立專祠捐資辦理着照所請准其建祠所有同時陣亡弁勇准其一併附祀以順輿情而彰忠義欽此欽遵轉行遵照當經知縣張起鵬督同紳民踏看專祠地基訂於縣城北門內武帝廟西邊營建維時以兵燹之餘未遑建造至光緒二十三年始卜吉興工二十四年正月初十日奉主人祀同時陣亡王承猷鍾鴻灝一併附祀祠前門首知縣祝掄望題有宋大夫祠四字並通稟立案蔚謙父子進士淵源一脉九代宮博通經史忠信明決爲花山之傑士實穗省之奇才粵省紳民戶部尚書羅惇衍監察御史鄧承修鍾孟鴻等俱爲立傳以

## 花縣志

### 卷九

人物志 列傳

十三

紀述其事云

據采訪冊

鍾烈士名鴻灝獅嶺義坑村人武庠生勇力絕倫性情忠烈咸豐五年屬內分設六局團練防禦以城內河陽局爲總局鴻灝統帶鄉團所向有功清遠湯塘四九墟與賊接仗殺賊多名見宋蔚謙被伏賊圍戕挺身救護斃賊數人因衆寡不敵爲賊所害鄉人哀之呼爲鍾烈士當紅匪之初起也屬內各村多被脅從亦有甘心從賊者而義坑村將近千人無一人入賊之黨皆鴻灝勸阻之力也大憲具奏奉旨議卹賜葬祭附祀於宋蔚謙專祠

據采訪冊

宋萱謙字楸堂佳錦山人由監生補授福建福寧府建經歷權福鼎壽寧霞浦寧德等縣知縣咸豐七年抵省適延平不靖奉憲檄赴軍營襄辦糧臺事務時值軍書旁午民病孔亟而車馬糗糧事素煩重萱謙稟命道憲袁君績懋無不預爲辦理迭次告捷又檄委督造鑄炮廠機器局並督修戰船所領庫銀以數萬司事欲藉以飽私囊萱謙核定報支不少私大憲稱爲居官清潔幹事勤能以福寧府經歷題補福寧地近海洋奸宄叢集每屆冬令查察彌嚴府憲每有各縣

解錄疑獄發交訊勘萱謙凡有委辦俱稱妥協至朔望督講聖諭每月查驗嬰堂尤加意懍懍履任十有五年不以閒曹自逸無曠職亦無越俎前後太守若張君夢元徐君震耀管君貽萼俱倚重焉其權福鼎縣時初膺民社下車後請查歷任積案悉心判斷務得情而後已時有謝莊二姓互爭山塲案懸數任萱謙親自踏勘分定界址斷結輿論翕然以明鏡高懸匾親指大堂懸掛隨權壽寧邑小而刁萱謙寬猛相濟不縱不迫有劉姓因歐斃命賂金數千求寢其事萱謙却之秉公詳辦復權霞浦寧德二縣俱竭力殫心訟獄隨到隨結凡下鄉勘驗輕車減從不至騷擾班房監犯夏則施茶病則施醫是以歷任交卸紳民擁道攀留通送牌傘以誌去思之意性尤好勞而惡逸小物克勤每日辨色而起至署參日必盛服待旦在閩三十年未嘗請一日之假力疾從公不敢言瘁而官閩日久念先塋未修請修墓假時福寧太守蔣軍以其公事諳練再三婉留俱固辭焉萱謙素精岐黃居鄉每製藥贈送其賦性仁慈類如此年六十四卒於家長子維釗援例通判次子維清援例監大使俱服官閩省云

據採訪冊

花縣志

卷九

人物志 列傳

十四

宋維釗字鑑秋佳錦山人宋萱謙之子由監生援例通判分發福建引見領咨赴閩光緒十四年戊子台灣開設行省大吏咨調幹員維釗爲上游器重給咨赴台卽委署恒春縣篆恒春地方礮洞生番逼處性狡無常尤嗜殺每持槍炮互相攻擊每因貿易忽招事變維釗抵任先嚴諭兵民不得妄開釁端其馭生番也結以恩信賞罰必嚴時有粵商私販軍裝與生番交通出入衙署聲勢甚威每值新任多有餽遺維釗屏絕苞苴廉得其狀置之法地方以靖時值水災小民蕩析離居維釗親履稽查多方軫恤邑不爲災大憲以其治劇才調署台東直隸州知州凡所以靖內地而馭生番者視任恒春時尤力台東地屬創始草昧初開維釗蒞任一年定賦稅以廣招徠設義學以訓民番裁陋規以安商業修道途以便行旅禮耆舊以悖士行除兇暴以安黎庶於生番口糧外并賜酒食以爲犒賞務期事理民安而後已去任後委署南雅同知兼理各要害南雅爲台北要區地屬衝繁差務絡繹幾無虛日文武官員交錯於途維釗矢勤矢懼於軍需之耗蠹胥吏之狡猾無不深明其利弊切究其得失留心厘剔維



時奉辦昭信股票於大商富室相與和衷商榷民皆踴躍輸將集資十餘萬此雖民知好義實維釗勸導感孚之真切也尤有難者光緒二十年甲午中東之役台灣戒嚴奉委赴粵購辦軍械其時謠諑紛傳謂日兵遮道截搶同寅咸以爲危維釗以事關軍務奉命而行艱難不避越兩月而差竣其不以利害動心類多如是上憲尤嘉重之至其奉委各差事皆煩重無不悉心籌畫妥爲辦理於稅欸之瑣屑者如奉抽行厘必剴切剖陳稟請裁撤以便民於額征之應收者核實征輸以益課他如查保甲清積案勘水災點勇額一切苦差無役不從詩曰黽勉從事不敢告勞此其有焉二十六年以台灣割讓日本仍回閩省供職惜未竟其用也五十九歲卒於建陽差次據採訪冊黃榮威字翼生號炳垣岐山鄉人幼而沈毅少有大志諸兄析爨時公猶未娶以家貧輟學遂從事於武備習技擊精騎射入隸撫標軍伍連射三十矢無虛發拔馬戰兵道光二十六年大操射箭全中五矢拔升記委績升外委道光二十七年隨林文忠公則徐戰英吉利於東洋委公管帶第四號紅單礮船戰輒當先公船常爲夷礮所中

猶乘壞舟奮勇進擊卒能反敗爲勝文忠歎曰使將弁盡如黃某敵容有遺類乎正擬保舉適以去官不果又是年英德清遠一帶土匪嘯聚謀爲不軌商旅不行撫軍委公率兵撲滅剿撫兼施逾月閩按堵公之力也咸豐四年紅匪倡亂圍困廣州省城北門撫軍柏少保貴委公管帶令箭提調各路兵勇苦戰數十仗卒平巨寇當事者以公耿直不行賄賂遂沒其功咸豐七年隨江中丞國霖衝剿肇慶流匪公流兵沿河設伏賊艘順流而下伏發礮擊沉賊舟數十號斃賊無餘遂解德慶州之圍連夜進攻梧州直破賊巢克復城池一律平靖是役也公連籌決勝如摧枯朽咸謂不次之賞指曰榮膺無何江中丞隸京問話功績無由上聞日久始奉黃中丞恩彤拔升把總同治七年曹湧客匪初靖公奉調隨周協戎鳳山教習軍伍逾年而返光緒紀元升補千總恩加一級誥授武德騎尉公賦性誠樸不屑夤緣戰功雖著弗膺闔寄沈困下僚數亦奇矣前後署理本標外委八次升署左右營把總各一次平生足跡遍天下爲人明敏知書韜畧外兼精星歷風鑑堪輿往往有奇驗好談因果而淡於仕進周濟

貧乏嘗積債卷焚之負者莫不感泣或爲詩以見志所著有武備志節要三十六卷虎鈴經補正八卷武畧紀事通釋十二卷祖朝安公父佐殿公娶羅宜人早卒繼娶張宜人生子二長熾雄次熾華年六十五卒

謝祖安號象岡西區駱村堡文岡鄉人父南圍邑諸生品端學邃督學王公丕烈錫以扁曰經明行修一時賢士大夫如長洲許明府廷鑠番禺許明府遂順德蘇孝廉珥等皆與之遊七十生辰觀察龐公璵爲作徵詩引諸名公壽言璀璨林立士林榮之公克承家學康熙六十年補博士弟子員雍正二年一等第一名補廩督學則紅豆老人元和惠公士奇海內所稱爲大經師者也雍正十二年考充歲貢以訓導候補乾隆十二年任欽州學正十九奉例進京引見便道省親適遭南園公之喪在家守制說者謂以事君之身而盡事親之道當亦孝思所感也服闋秉鐸化州歷十二年生徒受其教者深且久致仕日州刺史與七學諸生塞道祖餞爲向來冷官所僅見拔貢黃柱覺撰德教碑嵌文廟壁文有公學問不愧儒者教人以德爲本文

花縣志

卷九

人物志列傳

十六

爲末而又善爲獎引士每恐不克自勵有負公之教等語殆無負訓導之名者歟公生於康熙三十八年終於乾隆三十八年壽七十五葬本鄉之象岡子五人曰仁曰和皆邑庠生曰和能詩孫十二人敦慶邑廩生駱文忠公游庠時其所保也

駱秉章原名俊後以字行一字顓門華嶺村人嘉慶己卯舉人道光壬辰進士改庶吉士散館授職編修十八年轉江南道監察御史二十年兼掌四川道稽查戶部銀庫庫政弊端百出捐項事每百金加四兩久撥充公後再增四兩平入稽查官而庫丁之弊遂不可究詰秉章拒不受當收納時坐堂上躬自閱兌庫丁大窘二十三年擢奉天府府丞銀庫事發褫職罰賠門生戚友知其冤爭以資完繳詔以庶子用時同罰者皆用主事秉章獨得宮僚召見復蒙溫語汝是年查庫辦得好清正不阿可任大事也旋授湖北按察使擢貴州布政使湘督奏留湖北署布政使三十年文宗踐阼擢湖南巡撫時洪秀全反廣西公在湖南十年與曾左諸公克復名城盪除寇氛其豐功偉績著于國史者不可勝紀十一年授川督同治元年擒石達

開晉太子太保銜三年江寧克復賞一等輕車都尉世職六年五月遂有協辦大學士之命十一月十七日卒諭曰協辦大學士四川總督駱秉章忠誠亮直清正勤明由翰林洊擢卿階以介廉持躬仰蒙宣宗成皇帝特達之知先後命赴山東河南等省查辦事件旋簡授臬司擢任封疆在湖南十年練兵訓士甄別人才東南巨寇賴以殄滅復荷文宗顯皇帝知遇特加頭品頂戴以示寵眷嗣命督辦四川軍務朕御極以來即擢授四川總督統軍入蜀賞罰嚴明所向克捷滇粵各匪悉數殲除並越境攻克甘肅貴州各州縣因石逆被擒川省肅清論功行賞晉加太子太保銜旋以江寧克復東南掃蕩念其昔在湖南任內識拔將帥克振軍威忠盡咸孚勲勞素著復賞戴雙眼花翎賞加一等輕車都尉世職本年夏間簡任綸扉老成碩望方冀克享遐齡長資倚畀昨因舊疾復發賞假調理遽聞溘逝披覽遺章良深震悼駱秉章着追贈太子太傅銜即照大學士例賜卹任內一切處分悉予開復應得卹典該衙門察例具奏並加恩予謚入祀京師賢良祠并于湖南四川兩省建立專祠其生平政績事實着宣

花縣志

卷九

人物志 列傳

十七

付史館伊子駱天保着賞給郎中服闋後分部行走駱天詒賞給舉人服闋後准其一體會試伊孫駱懋湘駱懋勤駱懋仁駱懋勳均着交部帶領引見伊姪孫候補縣丞駱肇銓着以知縣分發省分即補其靈柩回籍并着沿途地方官妥爲照料用副篤念蓋臣至意欽此尋賜祭葬謚文忠秉章外朴內明能鑒別真才以得其死力王鑫微時請募兵三千越援湖北既資以餉會吳文鎔中蜚語遂止不行秉章信任無疑卒收其用湘陰舉人左宗棠負才不可一世公羅置幕府襄贊尤多凡所識拔多起自營弁布衣及提軍四出當時即倚辦賊名臣良將布滿天下其機實秉章發之即以楚南一隅備籌全局援鄂援江援粵援黔助饟分軍不分畦畛獨遣將不相遙制故出境各以功名自見而已反無赫赫勳迨統軍入蜀兵非練兵將無宿將運籌帷幄之中發輒破的用能內靖萑苻外摧巨寇北定秦隴南拓滇黔使上游財賦之區克完疆圉觀蜀事而後知其將畧僅稱以知人善任未足以盡之也勳猷既極委化順歸巷哭衢哀蜀人喪之七日靈舟東返湘人臨江哭奠前後相望論者謂其功德在人實不愧

大古名臣云

節家本傳及李光廷行狀

謹案文忠公爲中興名臣豐功偉烈載在國史茲節錄其梗概如此聞公自讀書至協揆皆忠誠朴實清介自持用能旋轉乾坤歷敷中外其門人曾九帥劉蜺帥前後督粵皆拳拳於故人而其哲嗣佑之郎中對兩帥言輒以其家慣清淡了之嗚呼誠不愧爲文忠子矣

袁 釗字燕北其先贛州人康熙中割南番西北壤置花縣募民開墾其高祖才應募至遂家於邑之藍坑鄉才子歧鵬爲釗曾祖歧鵬子家琮爲釗祖家琮子用和邑庠生娶于姚生三子釗居仲稟性孝友事二親無忤色伯兄持家時家漸窘悉出脯資所入濟之無所私季弟夫婦並早卒遺一子娶未幾亦卒釗分產給其孤孀並爲立嗣遂安焉尤好善家稍裕即亟亟修橋補路拯貧恤寡諸凡公私祭田必手經理有餘以贍族其授徒甚嚴與己子侄無異視也少聰穎讀書過目即成誦二十五歲入縣學慨然謂功名可立致乃十一年始食餼又二十年僅以恩貢入成均凡十戰棘闈皆北自是無進取志

花縣志

卷九

人物志 列傳

十八

矣生平多行陰德歎曰吾雖不遇吾後其昌乎未幾子體乾曾惠先後登鄉荐體榮入縣學體隆入國學乾子椿桂亦皆弱冠補諸生皆及身見之曾惠官於朝天子推恩褒其所出誥封釗中憲大夫兵部主事加五級咸豐十一年不疾遽逝春秋七十有二

據採訪冊

畢應中字誠德花縣畢村人讀書明大義不事舉子業居鄉以忠厚待人人亦不忍欺侮遇善事無不樂爲村西群山綿互貧民多賴採樵度活然越澗陟險時有虞溺斃者惻然憫之乃倡建鶴嘴橋鑿山開道以便來往至今賴之道光四年奉旨大典選舉鄉飲大賓總督阮元巡撫康紹庸布政使司魏元煜旌以望重鄉閭扁額卒年七十有七

據畢氏譜及訪表

朱鳳翔號岐山第五區黃沙塘鄉人武庠生體魁梧善騎射慷慨好義有古游俠風其鄉地勢低公在村前築基捍禦水患遇水漲則親率鄉人巡視守護不辭勞瘁嘗遇石角圍決大水爲災全村田廬漂沒公毀家輸賑存活者衆無德色村距白坭八里而遙每值東河汎濫小艇往來時遭覆沒公聯合竹洞田心矮嶺等紳董創建東河十

八鄉橋水高於橋則由十八鄉公欵僱大艇二艘載人往來不取分名曰義渡遂無失足滅頂之患至今德之又在白坭創建十八鄉社學名太平社學每月出題徵文獎勵後進文人因以蔚起公好行善事尤信陰騭之說刊印善書分送閭里母於稠人廣衆中談論善事滔滔不倦鄉人化之卒年六十有八孫桂芳咸豐壬子科經魁曾孫珩光緒乙未科進士元孫兆萃美國哥倫比亞碩士駐英公使來孫樹星美國紐約大學碩士人以爲修德行仁之報云

利普號仁甫小埭村人道光諸生卓有文名久困棘闈鬱鬱不得志發爲不平詼諧跌蕩有東方朔滑稽之風好填詞頗類李笠翁一家言而氣韻過之以詩品在國初趙甌北黃仲則之間筵室寥氏亦能詩題公小像云松下瑤琴靜撫時片雲孤鶴意誰知品評儂借朝雲語不合時宜滿肚皮意比東坡也其風趣如此與南海何文綺熊景星最友善所著有蕉鹿山樵詩集四卷藏于家

據採訪冊

駱炳然號星巒駱村人性至孝尙節義尤劬於學少負文名湛深經術尤沈酣於百家諸子以主持風雅自任受知於殷宗師冠博士弟

## 花縣志

### 卷九

人物志 列傳

十九

子員時番禺望族爭以舉比延聘成就高材頗衆許孝廉應錯禺山院長應鎔諸昆仲皆出門下耽詠之餘並工書法八分篆隸諸書臨翰輒冠時彥品藻家尤珍之君詩本家學自其從叔裴成明經早以詩名二阮馳譽有大小山之目溯其得名始於王漁莊宗師觀風拔冠首幟自是君詩擬洛陽紙貴焉下車課題爲羊城懷古九曜石歌是也著有抱義齋遺詩乙卷子駱廣文鴻翔次子鴻年皆蜚聲庠序

云 據駱氏家譜

曾貫忠號一峯荷塘村人生有異質家貧力學文藝卓越幾冠一時十六歲進庠二十五歲補廩三十六歲舉於鄉中式咸豐元年辛亥恩科舉人保舉教諭生平廉正自持言笑不苟凡交際往來莫敢干以非義而與人接物恒煦煦作春氣故人常樂與之遊咸豐四年羣賊蜂起某逆聞公名欲招致之以爲重公一日得僞書忿甚謂子弟曰我爲名累然賊逆道也義不可從今日之事惟逃而已逃而免幸也被獲則死之吾志也汝等能自立吾無慮獨老母年逾七十奈何因唏噓流涕時夜將半公不敢久留則短衣草履星夜出門凡東走

西奔不遑寧處者十數月而避險回家省視其母者月恒數次其所  
以保身名而存孝道者可謂善矣亂平公出辦善後修城池設團局  
凡所當爲之事必力任不少辭然淡於仕進不求聞達惟諄諄以裁  
成後學爲急務聯平書院公所手建也隱居教授終其身遊其門者  
前後以千人計邑中賢達如舉人朱桂芳江祥輝葉其藁等皆其門  
下士也著有學庸析義論語指要師竹心齋文集一篷釣叟詩集戒  
欺堂警語存于家長子霖三子士麟四子球五子毓菁六子珣孫傳  
經皆庠生而繼起者猶未艾人皆以爲盛德之報云 據採訪冊

曾守忠字遜甫荷塘村人光緒乙亥恩貢生公少孤力學從堂兄一  
峯公遊小有過一峯嚴譴之公怡然順受自少至壯服膺不懈凡事  
必請而後行事母先意承志有孝子風姊適任氏早失所天公視甥  
如子飲食教誨資以成立尤人所難能云 據採訪冊

朱桂芳號香圃第五區黃沙塘鄉人績學能文咸豐壬子科經魁三  
上公車不售絕意進取家居講學鄉素多盜公擇懲一二勸戒兼施  
鄉人畏威懷德遂以斂迹咸豐初年紅巾徧地舉國若狂公與宋主

## 花縣志

### 卷九

人物志 列傳

二十一

事蔚謙創辦聯平團局禁民從賊紅匪亦不敢擾入保境安民厥功  
尤偉亂平仍任局務解紛排難人不敢干以私自奉儉約惟對於事  
關地方公益則毫無吝嗇其村介赤坨白坨之間往來孔道崎嶇難  
行公捐集鉅款於村東塘邊建築大路以利行人履道坦坦行旅稱  
便有承佃公田者已納預租一年後遭水患該田被淹佃人來告公  
豁免其租并舉已納者還之宅心仁厚有非世俗所能及者性好讀  
書尤愛種樹村東南五里而遙土名牛欄窟兩山環抱如屏公手植  
松萬株築室其中讀書課子有翛然遺世之致年五十有七而卒子  
二瓚邑庠生珩光緒乙酉科舉人乙未科進士欽點刑部主事歷任  
直隸博野安平等縣知縣孫兆莘北京大學畢業獎給中書舉人美  
國哥倫比亞碩士歷簡駐英公使意國全權公使兆變兆奎亦能承  
繼書香曾孫樹星美國紐約大學碩士論者謂爲盛德之報云  
任炳光字麟邨水口村人廿二歲進庠道光甲辰貢生時紅匪亂後  
良歹混淆炳光奉上峯命設局善後分別良歹無或枉縱主講花峯  
書院三年知事張崇恪以其課徒外別無請托又重其忠厚和平題

額以獎之曰粉榆碩果八秩壽辰知縣謝樹棠見其精神矍鑠題額以祝其子孫曰椿萱並茂己巳年重遊泮水庚午科欽賜舉人時年八十有三矣於鶚薦稱觴之餘並舉重逢花燭之典親覩四代兒孫壽至八十六而終其妻湯氏享受百齡鄉鄰豔羨

據採訪冊

宋衍字鳳翹邑之佳錦山人性孝友少居程鄉嘗以兄事逮獄捶楚累年州牧憐而釋之父病衍禱天請代母患目衍舐之旬日復明及病篤醫藥罔效衍嘗糞以測病源夜夢神人授以方一飲而愈人以爲孝感所至居喪廬墓三年朔望赴墓悲號聞者心惻總督托恩多巡撫李侍堯表其閭曰孝行可風

牛北 據採訪冊

姚志臣字廷貴邑之矮嶺人父子址母鍾氏兄弟三人長忠臣三恕臣志臣居次幼至有性善事父母友于兄弟父母每外出將歸必於中途迎候及抵家則奉茶捧匜孺慕依依不離左右十一歲喪父哀毀過人先失怙後事母尤謹飲食儿杖衣服事必躬親晨昏定省皆能先意承志及母病衣不解帶親視湯藥每於夜深時當天默禱願以身代母死慟不欲生水漿不入口者三日殯殮如禮匍匐扶柩安

## 花縣志

### 卷九

人物志 列傳

二十一

葬廬於墓側朝夕哭奠身衣粗麻足穿草履拭爐焚香讀禮讀孝經三年如一日邑紳歲貢生宋大章職員袁家瑞等造廬往弔以三年服闋迎之出廬途遇妻河邊浣衣見其鬚髮皆長相顧愕然志臣復回廬守孝三年然後歸家哀慕之情終身不改卒年七十四葬白坭墟河之南蝦嶺大窩內午山子向至今鄉人仍相傳爲長毛公孝子墓云

據採訪冊

宋崑田又名瑛字祥瓊佳錦山人邑增生性仁厚篤學好義事繼母范氏尤謹撫孤姪廷楨如己子以教以養必導其成立而後已深於醫道鄉人延之立應家雖貧見貧者不能備藥輒出囊以助之乾隆年間邑稅太重與邑紳畢升祿等請於覺羅淞軍裁減制軍如其請邑人德之嘉慶五年狄賢侯再行裁汰浮收公率鄉人立德政碑以紀其績嘉慶十年楊邑尹將復浮收置酒延公並邀邑中紳商會議邑紳欲與偕行崑田終不往身雖未仕其恤民類如此十五年清花山寇犯科作奸崑田呈靖寇條議於松制軍制軍如其議山寇以平十六年韓撫軍對舉公爲賢良方正咨部注册崑田酷好論孟小學

及柏廬家訓訓孤姪幼子必據其說而引伸之又善排難解紛鄉有爭訟者必朗誦范文正公戒訟詩二首以寢息之崑田生於乾隆戊辰卒於道光元年辛巳年七十有四其侄廷楨由進士任四川汶川縣知縣馳封於公公尙未卒公晚年舉子其子廷桂弱冠遊庠公猶及見之卒時族人灝作傳以備採訪焉

據採訪冊

宋維樟字仁山佳錦山人附貢生父澍大挑知縣歷宰山東掖縣海豐等縣維樟隨任奉侍承父命又附貢生捐鹽大使分發山東旋丁父艱奉父柩回籍以母老呈請終養奉侍不離左右嘗外出聞母病星夜馳歸三晝夜衣不解帶當母喪哀毀骨立未葬時春雨連旬禱天求晴及至葬晴光下照翌日又兩人以爲孝感兄弟早故視侄如子教養備至析家產侄取其二已取其一毫不自私焉當其由山東來粵時在銀號換兌銀洋該號誤交多數十員行數里始覺其誤立將原銀送回其取與嚴於一介類如此在籍奉諭辦團練聯合十餘鄉倡爲同安鄉約守望相助民獲安堵聯平局九十六鄉公舉維樟經理局務解紛排難片言質成局有餘積邀集各鄉紳耆妥商倡設

## 花縣志

### 卷九

人物志 列傳

二十一

義學延師課士文風丕振又在國泰墟捐資倡建義渡民不病涉在蘭泮廟側建修善堂延聘聲音清亮者在堂宣講聖諭人多感化縣城南門外建育嬰堂邑候俞瑛諭令勸捐董理嬰堂告成維樟詳議章程呈縣批准行之數年人皆稱爲善舉之最大云維樟去後而嬰堂遂有名無實矣光緒紀元欽奉恩詔召試孝廉方正闔縣紳士公舉維樟膺其選卒年七十一歲

據採訪冊

宋錫珍字蔭堂佳錦山人品行端方孝友純篤父母早故兄弟二人兄兆章亦故錫珍先承父命久經分居後有餘積悉與侄錦才同分因念先世營業無多增高祖義城公嘗銀一千元曾祖一善公嘗銀一千元族人欲建高祖家廟先捐銀三百元以爲之倡曰此吾父意也又在鄉中倡設施茶會拾字修橋修路會共捐銀七百元族人有貧不能娶者助之病者施藥歿者施棺冬施衣被寒甚施粥飯數十年如一日佳錦山人時歲歉收其租務息俱減成收族人藉以存活者均占其惠計其家產積家者少施予者多生平接人以禮處世以誠人皆重之光緒十八年知縣祝掄望給與扁額曰爲善最樂教諭



馮玉光訓導吳泰衡亦給匾嘉獎曰編竹遺風年六十六卒

據採訪冊

葉松齡字鶴享龍塘鄉人少家貧嘗爲人傭供灑掃之役有戚某見其所爲文甚有條理勸之讀書遂淹通六藝應童試兩列遺珠第因文章憎命以布衣終老其處已也勤慎恭儉動皆可法言皆有則卽燕居談笑無或苟其與人也公正和平無論尊卑長幼莫不以禮貌相處家雖貧好施與凡戚族中婚喪有求助者靡不解囊相贈嘗有鄉人子爲咸豐亂事被誣從逆賴松齡竭力營救得脫鄉人子不知也其家屬怨懟松齡不與辨處之澹如也其設塾授徒事事以身作則故遊其門者多被裁成晚年居鄉鄉人有私爭者得松齡片言糾紛立解里人某甲偶不檢致犯鄉規鄉人將集祠議罰甲乞於衆曰甯願伏罪毋令松齡聞知其德行之足以動人有如此者性好生卽草木虫蟻之微猶不忿殺伐鄉居後枕峻嶺前無鷓鴣也其子偶因公赴縣城購三五鷓鴣返家欲以此供朝夕松齡悉携往郊外放之自是村後崗常聞鷓鴣聲輓近賭博禍人最烈松齡疾賭若仇故樗蒲博陸之戲鄉中均絕迹遇元宵佳日間有一二嗜葉子戲

花縣志

卷九

人物志 列傳

二十三

者必在鄉外一二里之禾場屋或在大樹下席地爲之生平輯有修齊要畧懲勸格言楹帖粹精等書藏于家卒年九十四遐邇聞之莫不咨嗟嘆息其爲鄉人所敬服如此子逢春字紉鄉光緒己卯科恩貢生文名籍甚惟棘闈經七薦不獲舉于鄉旋吏部銓選直隸州判主講鄉卿學名動一時邑中縉紳多出其門時墟市多私賭有送陋規來者悉却不受其清正自恃有乃父風云

據採訪冊

劉純清字粹甫平山鄉人咸豐五年與兄萬青子青維青勸辦均和局務練團禦寇保障桑梓邑令知其能委充河陽總局會辦督修城池建築衙署常平倉等經畫周詳不辭勞瘁管理度支進出累萬絲毫不苟固稽覈之精明實廉潔之素著也時值英法陷廣州京師震動詔禮部侍郎羅惇衍太常寺卿龍元禧科給事中蘇廷魁爲欽差督辦夷務駐節縣城純青因公不時晉謁羅侍郎見其有辦事才深器重之其兄維青年逾五十始育一子啟蔭甫週而維青忽染重病篤以幼孤及家務囑純青料理純青視侄猶子爲之籌畫蓄積俾資撫養十餘年不倦迨啟蔭成立弱冠進庠始以遺產付之有盈無

絀非篤愛兄弟者能如此乎生平富而好禮與人無忤鄉族有以事質成者純青推誠開導數言立解其見信於鄉人者如此年七十有二卒眼見男女孫曾四十餘人子五文幹增貢生思澄附貢生文鳳廩貢生授文昌縣教諭再選徐聞縣教諭宣統元年 恩詔舉孝廉方正孫昌顯昌緯昌洛均邑庠生洛留學日本法政大學畢業廷試賞給舉人人以為盛德所致云

據採訪冊

許焜號望菴社岡村人光緒己丑舉人生平喜讀線裝書不習舉子業久侍南海朱九江之席留心史學謂黃東發讀史日抄最純正劉子元史通不能自持其例謂修史以作志為難非熟精一代掌故者不辦譜亦志類常稱昔人武功縣志歐陽族譜蘇氏族譜之善皆精語也駢文詩多為朋輩所傳誦有載入學海堂集者當選學海堂學長惟性不喜干謁某制府竟置之晚年主講香山書院諸生咸知讀大書不屑屑於帖括皆公教也卒年六十四後人無繼其業著述多散佚焉

據採訪冊

湯金銘字傲盤石湖鄉人賦性聰敏博學能文年十五以縣考第一

## 花縣志

### 卷九

人物志 列傳

二十四

補弟子員越年歲考一等補廩膳生同治癸酉科拔貢少作多錄人學海堂集中尤精疇人學與弟金鑄均見稱於陳蘭甫先生張文襄督粵一見器重歷聘充廣東水陸師學堂湖北武備學堂教習後進多藉培成生平著述宏富未及編輯已多散軼

據採訪冊

朱珩號楚白香圃第三子黃沙塘鄉人性聰穎幼承庭訓年十二下筆成文有神童稱未冠通經史工帖括年十八補郡庠乙酉登賢書乙未成進士三場五策進呈談科目者以為盛事通籍後官刑部主事以母年高乞假歸養十年不仕服闋入都充法部統計纂修官尋遷京師高等審判廳推事任民事庭庭長亭平疑獄有聲於時先是會試報罷留京官國子助教究心經世之學熟習遼金元三史嘗注元朝秘史蒙文原本為順德李文誠吳縣洪侍郎所擊賞某王邸慕其才特闢輿圖館於總理衙門使任編輯期年之間書成十九最著者曰中俄交界圖說曰北徼水道考曰塞北路程補考曰中亞州俄屬游記注曰三史國語解檢韻曰元朝秘史補注性友孝嘗謂印纍綬若揚名顯親不如戲綵家居較有至樂繼母棄養時生母猶在堂

冊報丁憂未塋家有次丁時邑令某公爲子兆莘受知師有通家誼私囑補塋否則吏部覆文例必勒令終養公謝其意而終不肯冒報部覆果如言公笑曰終養是吾志何待勒令爲在京署聞兄玉持噩耗驟傷手足悲不自勝遂賦歸去來辭以見志辭官而歸子兆莘北京大學畢業美國哥倫比亞碩士駐英公使兆燮兩廣方言學校畢業生孫樹星美國紐約大學碩士

駱本釗號文卿又號迂叟駱村堡五指花邨人纔四歲便好讀書年十五鄉修太平橋徵序援筆立就長老異之弱冠文名藉甚以縣案元進庠旋補廩乙酉登拔萃科朝考就職直隸州州判擬留京以鄭心泉尙書善之副將聘遂南歸後講學於廣府學宮者十餘年從遊者千數百人及門進謁諄諄以讀有用書做有用人爲勗事父母至孝館穀歸諸兄供家計備甘旨丁外艱哀毀骨立居鄉多爲人排難解紛辛丑朝廷罷科舉設學堂公舍館人官分發山西尋改四川不匝月奉委解賑欵赴南充縣散放並赴西充縣查案差竣接委武備學堂收支差適丁內艱聞訃哀慟乞歸廬墓終制時總辦善化沈幼

## 花縣志

### 卷九

人物志 列傳

二十五

嵐廉訪遵義馬良存觀察以度支需材擬留差詳准大府批飭給假回籍俟喪葬事畢即回川供差勉以奪情視事移孝作忠等語及回粵喪葬畢復迭電催促公不忍重違長官意逼得成行抵川後屏絕應酬時總辦安陸陳公禮遇尤厚委鐵路工兵營收支總督錫公奏建新軍營舍委兼辦采買兩年來四總度支五權采買經手不下百數十萬同寅謂平餘沾潤不少公慨然曰吾家風清白文忠公受成廟特達之知清名滿天下卻以不受庫規四兩平始吾敢有玷清規乎建築新軍營舍公建窰招工製造省費公益獲回萬餘金總督錫公嘉爲才大心細服闋奉檄署珙縣知縣珙爲川南邊邑地錯雲南盜賊充斥或以積勞數年得此爲不值勸公辭公曰一行作吏行所學耳何計較爲到珙日除刑席外祇一人掌收文牘一弁掌武事餘簽稿長隨不用雖上官函薦婉卻之人謂初仕宜延熟手公謂正生手可用熟則生巧而弊積矣居官去苛斂絕苞苴除陋規求民寘務使政簡而易從終日坐堂皇悉心聽訟必各得其平而後已故經公判斷絕無翻異者去任民懷去思沿途遠送數十里繼任者惑於從

人輩語以公別去陋規爲不利已密令禁送而民不顧謂百年無此好官也辛亥委管灌縣權務七月川民爭路風潮土匪乘機掠劫子萬青隨侍目擊披猖率勇與匪相持公曰子能服事父教之忠今觀汝臨事不懼不愧讀書人矣晚年閉戶著書刊有宋明兩大忠集歷朝忠節吉光集抗風軒詩鈔又著有教忠編教孝編聰聽彙訓尊聞齋四書講義珙縣集洪竹齋駢體文存誦芬堂詩草詠古詩草漱潤山房書牘見聞雜俎隨筆養芝軒楹聯凡十餘種藏於家長子萬霖廣東武備大學畢業次萬青中書科中書留學日本畢業人以爲忠孝一門云

據採訪冊

湯允良字俊三石湖鄉人布政司理問以子例捐誥封藍翎五品奉直大夫少習賈業樂義好施戚里中有貧乏及婚喪無力者時賴周恤見鄉前路當南花通津恆苦險仄首倡捐助改築以石至五里餘又念本族始祖未立祠奉祀爲憾晚年家居力任籌建并於祠內特設專坐崇祀文正公以資景仰復集鄉紳訂立鄉規以樹率循迄今廟貌赫然公之力也卒年六十子有六海山克成厥志提築五和墟

## 花縣志

### 卷九

人物志 列傳

二十六

石路創建風雨亭及賑災諸善舉不倦焉

據採訪冊

湯紹亮湯村人以勤儉起家耄期不怠壽享百齡光緒年間大吏賜以昇平人瑞四字奉旨建坊於該鄉生平樂善好施光緒乙酉年洪水傷稼捐資買米百餘斛賑恤鄉閭族中之親而貧疏而賢尤厚施之其善於用財率皆類此長孫聘莘次孫澤霖俱邑庠生晚年得覩三代同堂孫曾蕃盛議者謂亮有厚德故獲其報云

據採訪冊

湯聘莘號樂農邑庠生紹亮之長孫也家本豐厚而自奉儉約其立心制行以睦鄉鄰重然諾急公仗義排難解紛爲己任且慷慨好施與慕范文正公之爲人捐資五千而置田數百畝送與本族永作租嘗其族中春秋祀典子弟學費與夫敬老慈幼矜孤恤寡諸義舉無不由茲補助鄉人利賴之迄今尚傳頌不置焉

據採訪冊

湯國楨號兩溪石湖鄉人同治賞戴藍翎五品銜光祿寺署正少貧失恃事繼母以孝聞長習商業於廣西梧州克勤克儉商業日盛乃以樂善好施爲懷在鄉捐設義塾培育子弟夏施茶冬施棉衣贈醫送藥數十年不倦光緒十五年建立五和墟成而石湖鄉東達五和

之路牧牛踐踏遇雨泥濘行人苦之公乃倡築石路以利交通需款三千餘金本擬集資合辦詎所捐僅數百元不敷甚鉅乃獨力成之於二十年竣事又鄉內有小涌環繞附近田畝均資灌溉但日久淤積蓄水無多一遭乾旱農人輒喚奈何公乃議將涌口建築水閘多蓄水量以備旱荒未成而疾臨終猶諄諄以建水閘爲囑二子亦能仰體親心自捐資三千餘金以竟其功閘成田畝無旱涸之患鄉人德之公生平好讀書教子姪長藻塗次藻芳相繼遊庠均由附貢生加捐花翎五品銜遇缺先選教諭藻芳並於宣統元年選舉充全省諮議局議員人以爲盛德所致云

據採訪冊

其

利珣字文石小埭鄉人璋之弟也少不好弄先君疑癡稍長讀書甚聰穎於疇人術尤有神悟甫習算潘孝廉應祺驚謂之曰子過吾門習算數年者矣光緒癸巳年十六以算學補弟子員深爲徐花農琪惲次遠彥彬張冶秋百熙諸學使所識拔張學使送廣雅書院肄業限於額旋入水陸師學堂惲學使嘗對譚制府鍾麟言某視學此邦於算術得利某年雖少當爲有數人才適廣西巡撫黃中丞槐森開

## 花縣志

### 卷九

人物志 列傳

二十七

體用學堂電聘算學教習譚制府即以珣薦到桂值唐侍郎景崇丁憂在籍與談算謂之曰子妙年已通微積過某遠甚其爲上游擊賞多類此時張筱帆中丞曾敦雅好士凡諸生課算前列者厚其獎總教習前臺灣撫台景崧督課嚴故如馬君武諸生程度甚高云生平所讀算書朱墨爛然皆校勘訂誤之語邑人黃啟明所著微積通詮初稿皆經其手所著有體用學堂課士算草十卷待梓稿存西撫署卒於桂年二十七諸生有扶其喪至東者其感人如此

據採訪冊

黃熾雄號石峯花縣岐山鄉人也少負雋才頎長鶴立敦尚孝友博通史經究心經世之學兼喜爲詩古文辭與風雅相出入從番禺陳東塾先生遊稱高第弟子年二十二歲甲戌受知章采南學使以博士弟子員遊庠乙亥復以古學受知吳子實學使屢試輒冠其曹生平解紛排難而終無所取有魯連之風年三十五卒著有經世文編八卷詠霓山館詩草十二卷文稿六卷賦稿四卷

據採訪冊

### 列女傳

劉氏花縣何嶺堡人適夫李天聰兩載生子浩彌月夫卒氏矢志自

守事姑訓子艱苦備嘗浩幼而孝謹及長教授生徒以供菽水年三十貧不能娶里人歐陽光慕其行以女妻之未幾浩卒妻亦守貞竭誠盡孝食必先姑而後已姑沒喪葬如禮隆慶五年巡按御史楊標採諸輿論列狀以聞詔旌其門曰節孝之門

據採訪冊

黃氏者土龍之長姊也性至孝凜閨範負賢女色年十八歸邑人梁仕昌幼而失怙母金氏誓志柏舟撫以成立姊謹持婦順侍膳問安十餘年如一日戊寅之歲舉一子甫十三齡時李成棟戊子反叛粵東悉陷庚寅正月聞靖平兩藩復雄州人咸出走土龍約姊鄉居避亂姊持不可曰姑拮据孀守維吾夫與小姑二人今小姑不能輕去其家而姑方戀戀不置豈有葉吾姑而獨求生之理乎倘事變不測予誓不污弟念骨肉當求我井中耳仲冬朔城危甚因撫膝下兒謂所天曰君家五世孤傳僅有此子當亟偕行以存宗祀相守以死非策也昌乃揮涕携甥泣去次日城陷姊取嫁時所携常服服之指謂其婢曰此吾父與我當服此以死遂掖姑夜走東營小姑田氏家兵入姑被刃傷且欲俘姊姊不可免遂躍入井死後爲黠者鞭而止之

## 花縣志

### 卷九

人物志 女列傳

二十八

盡取財物以去十六日昌歸得母聞婦所在母指井旁屍曰此黃氏媳也昌大慟姊七孔鮮血一時逆出人咸歎異食卒營墓園中迨後事平老城房宇皆爲兩藩師旅分駐遺骸竟不可得聞康熙十九年邑候李公修邑乘採入番禺志中昔人有言女不幸以節見又云死有輕於鴻毛有重於泰山姊雖不幸然亦以泰山比重矣流徽史策將來必有闡揚之者姊死時年三十三歲弟士龍立傳

據舊志

宋楊氏佳錦山人署臺東直隸州知州宋維釗妾氏福建人女年十七于歸數月而寡隨奉夫柩由閩回粵誓志貞守姑年九十奉侍不懈孀居十一載二十七歲而卒

傳附後

節母楊太孀人生長福建其父母莫詳其名氏鑑秋仕閩聘爲側室年十七來歸越五月而寡哀毀盡禮以死自誓嫡子士濂胞侄士金扶父柩回粵閩人憐其年少使嫗勸之曰閩粵相隔數千里一去杳然盍轉計無誤終身節母聞而哭之曰焉有束髮爲人婦夫死而事他人者乎矢志益堅偕同回粵越月抵家家姑及正室在堂拜見之餘心益痛惻節母弱而多病姑八旬時以病軀奉侍

閱十餘年問視必親羹湯必潔先是鑑秋立妾林氏生一女今適劉姓生一子名士臺年皆數齡林氏既歿姑援慈母之例命節母撫養凡補綴浣濯諸纖悉事莫不親執勤苦女嫁男婚視同己出恩斯勤斯艱難備歷自寡居後憂危戒懼持齋戒殺以清其心拜佛誦經以誠其意終其身未嘗變焉士臺始赴武昌學堂肄業迨暑假回籍省親旋以假滿復赴武昌而節母竟於是年八月初十日無疾而逝矣節母多病時吐清水此其苦節自勵腸斷胃弱所致嗚呼天乎人乎仙耶佛耶渺不可知而其勵節冰霜爭光日月實足光照家乘上備輜軒之采余恐其日久埋歿後人莫知其詳因叙其大畧以著于篇論曰余讀詩三百篇於婦人女子之事纖悉具載而以苦節見者惟共姜柏舟一篇令人感泣蓋婦法之矢死靡他者實憂憂乎難之今節母矢志不渝以死自誓與共姜比烈何如也後之覽者亦將有感於斯篇宋士伸撰據採訪冊

宋王氏佳錦山人宋紹唐未笄妻也氏幼父母無力撫養年九歲于歸宋門紹唐年僅八歲未成婚越四年紹唐病歿氏年長矢志守節

花縣志

卷九

人物志 女列傳

二十九

與姑鍾氏共寢一室寡居五十五歲而終

傳附後

貞婦宋王氏同邑九鄉間王三之女宋士讓之未笄媳婦也自幼字許宋紹唐爲妻氏父家貧無力撫養年九歲歸于宋氏紹唐僅八歲未成婚也越四年紹唐十二歲病歿氏方十三歲展拜柩前淚下沾衣年稍長氏父母有托媒議婚事者貞婦愀然曰婦人既嫁從夫誓不再適翁早故乃與姑鍾氏同處寢室矢志不渝而家徒四壁隨姑操作爲活未嘗以貧乏故有所乞假族中父老憐其勤苦每年由嘗內給銀二元以示撫養之意氏收到後即持奉姑服事惟謹亦未立侄爲嗣姑歿後了然自立操作益勤自食其力數十年無變志焉卒年五十五歲嗟嗟以紅顏而矢志守白璧之無瑕良席未親空剩遊仙之枕女牀纔下即是望夫之山共姜自誓無此隱憂余恐數傳之後不知氏之貞節者修譜及此因欽其梗概以垂家乘備觀風者之擇採焉

論曰婦人從一而終朝廷旌之爲其難也未成婚之女守志則禮無其文不責人所難也若十餘歲女未讀書亦安解貞節二字今

氏以幼旣適人矢志守殤含苦茹辛幾微無恐難何如也經曰或生而知之或安而行之天地鍾靈見之于氏於戲懿歟宋士伸撰

據採訪冊

宋陳氏佳錦山即用知縣宋維屏副室大挑知縣宋士伸生母年二十四歲而寡夫在安徽蒙城任內殉節氏扶襯還鄉矢志不二課子成立名列賢書花縣教諭張克誠立傳以紀其事享年七十七歲光緒五年旌表

傳附後

太宜人姓陳氏卹贈五品銜陳義之女卹贈朝議大夫宋維屏副室大挑知縣宋士伸生母年十七于歸宋門贈翁以即用知縣宰安徽蒙城氏偕往咸豐三年四月髮匪渡江直逼蒙城贈翁語氏曰我守土汝存孤各盡其職事急矣汝可出境甫出署賊則至贈翁督同氏父陳義剿賊遇害訃至氏泣曰夫死於是父死於是亦奚爲欲赴井老嫗以存孤勸挽之氏年二十四孤子六歲賊去後紳民棺斂知府派員郊弔氏撫棺號泣幾絕新任知縣李日送口糧乃免飢餓大吏查明奏卹外派兵送櫬南歸維時代理其事者

## 花縣志

### 卷九

人物志 女列傳

三十

有在任時家丁廖四年六十餘嘉應州人沿途告幫途次清江浦到韶關幼子患痘瀕危氏哭泣無力延醫久之垂危復起至五年六月始抵家越數月家姑正室相繼即世氏經營喪葬淚竭血流嗣是與幼子獨居一室氏頗識字子讀書親爲提命子之衣食皆其十指所營心血所瀝也子年稍長遵旨承襲雲騎尉世職張中丞友山撫粵與贈翁年誼交好嗣君進謁中丞詢以贈翁殉節及抵家後情事聞之惻然撫粵四年歲送洋銀二百元氏以遭逢大憲之恩衣食稍具所以課子者彌篤光緒己丑恩科嗣君舉於鄉戊戌科大挑直隸知縣因領咨到省例有定限嗣君由京回籍稟承慈命赴直稟到一年奉差回粵差竣以母老在粵呈請終養大吏以出差人員不得在籍呈請措駁適縣屬地方未靖邑侯葛君肇蘭祝君掄望先後俱詳准轉咨留籍辦團嗣君藉以遂養親之願一堂四世環繞膝前氏時訓孫曾備至云性仁愛家貧甚亦時買物放生見有乞人必厚以與之有侄二齡失恃氏爲撫養顧復俾得成人尤潔于享祀碗碟非手滌不敢陳蔬菓非手潔不敢獻



數十年如一日親親而仁民仁民而愛物於此見其概矣嗣君以知縣加同知銜氏得援例誥封宜人邑紳以宜人應得旌典舉報請旌氏聞之曰人以此爲慶我聞言益悲泫泫淚下蓋其平日備嘗之苦境難言之苦衷觸於心而不能已也氏之苦節清操類多如此卒年七十七歲余以薄德秉鐸斯庠凡繫於世道人心無不留心訪問熟聞太宜人之事實足起頑而立懦爰爲之傳以俟采擇然此亦其大畧也

論曰婦人三從其以貞節著者朝廷表微闡幽徽音永播以關於網常名教者重且大也今宜人之堅苦卓絕當其處變以一婦人歷數千里夫若父之忠骸義骨卒能扶櫬還鄉易所云蒙艱堅貞孰過於是撫孤則義方教子持身則無負所天詩曰釐爾士女謂女子而有士行也宜人有之矣年近八旬孫曾繞膝享高年而膺多福經所謂栽者培之非皆積德之報乎聞者可以興起矣時光緒三十二年歲次丙午仲夏授花縣教諭兼訓導事大埔張克誠謹撰

花縣志

卷九

人物志 女列傳

三十一

徐宋氏徐屋寮村徐木季之妻十八歲于歸徐門翁姑早歿家赤貧木秀往省工作氏在家自食其力每年節木秀回家氏往往慰問辛苦唱隨共樂未幾木秀臥病年餘氏奉侍湯藥日夜不倦及木秀病危氏父往省視語人曰觀察氏言色似露隨夫存亡之心越數日木秀病故氏暈絕者數次痛不欲生含淚料喪葬妥協詎是晚在房即行殉夫歿年僅二十二歲

據採訪冊

黃吳氏邑之打鐵籠庄人黃秀壽之妻因往藍坑探望外家路經採茶坳被匪徒強姦不從毆斃命時年正二十六歲報縣立案縣官嘉其節烈詳請大吏轉奏奉旨旌表建坊

據採訪冊

湯范氏三江人廣州城守明威將軍范定邦之女也曉書史其父以之配石湖鄉湯介五未歸聞夫亡奔喪守節其哭夫有云夫從地下難爲主空使梅花雪裡愁之句事姑郭氏婦道維謹邑侯施允中旌以扁曰貞節齊芳王敏旌以扁曰節孝雙隆其繼媳李氏步雲閣人歸未歲而寡李氏矢志柏舟事貞姑范氏太姑郭氏俱終事無缺一門節孝人稱難得

據採訪冊

畢鳳姑花縣畢村人畢顧賢之女也適鄰鄉徐某為妻每念母寡且貧恆歸省視同鄉有戚某氏亦早喪所天撫孤僅十二齡業巫度活里中惡少利其所獲屢思訛詐一日鳳姑歸寧順道過探適氏有事他出囑子與鳳姑在家守候代斬薯籐飼猪正值惡少到門肆索鳳姑斥之惡少忿其辱已遽誣鳳姑與十二齡子有曖昧鄰人多責惡等不合情理時有某官子亦無賴也居中唆撥以圖嚇詐竟捏詞扭送花縣知事某初抵任未暇詳察飭留寓候訊鳳姑性烈恨不能生致惡輩以雪此羞憤然曰予非死無以自明他日必為厲鬼殲此惡類是夜竟雉經于縣城寓所越日某官無賴子惶懼忽得暴疾未及返鄉中途而亡惡輩亦以次敗歿然鳳姑貞魂未息每陰夜時聞悲慘聲遠近為之骨悚教諭馮玉光訓導吳泰衡習聞此事憫其冤而嘉其烈每為諸紳言之傳曰鬼有所歸乃不為厲况此貞烈轟轟乎光緒二十八年春廩生畢元禮畢國球文童畢家翰畢衍瀾等臚陳事畧由兩學加結公呈花縣知事祝掄望批詳准予旌表奉祀縣節孝祠據採訪冊

花縣志

卷九

人物志 列傳 寓賢附 三十一

寓賢

羅惇衍字椒生順德人官禮部侍郎龍元禧字蘭儀順德人官太常寺卿蘇廷魁字賡堂高要人官科給事中咸豐六年九月小除夕夷忽揚帆去七年九月復偕法蘭西闖至珠江苦求進會城不許十一月十三日疊發巨礮轟擊城中十四日由東路登陸攻會樓城堞燬廣州陷京師震動八年詔羅惇衍龍元禧蘇廷魁等為欽差駐節縣城督辦夷務旋撫議成事解邑產菊花石蘇氏雅愛之瀕行採之去云

節孝表

李 浩妻歐陽氏	任泰元妻張氏	張中就妻黃氏
謝孔然妻黃氏	湯 釗妻甘氏	畢國珍妻王氏
李天總妻劉氏	宋祥璉妻張氏	徐天泰妻曾氏
畢文著妻梁氏	黃輝玉妻甘氏	陳鳳石妻譚氏
駱錫祥妻蔡氏	黃厚成妻甘氏	徐名昌妻伍氏
江見麟妻譚氏	徐 起妻何氏	黃福昌妻王氏

江守謙妻王氏  
黃紹成妻湯氏  
黃英信妻宋氏  
徐時顯妻黃氏  
楊仕祥妻江氏  
周健楊妻黃氏  
龔光溶妾呂氏  
湯官光妻高氏  
邱俊傑妻鄒氏  
江東來妻劉氏  
侯始俊妻羅氏  
曾能忠妻鍾氏  
王紹陸妻曾氏  
許松茂妻湯氏  
甘窩配妻陳氏

湯金成妻黃氏  
任宜長妻湯氏  
劉廣芳妻江氏  
王惠輝妻曾氏  
江漢妻楊氏  
周蔭邦妻湯氏  
黃天佑妻吳氏  
潘元泗妻馮氏  
胡成串妻唐氏  
黃李壽妻吳氏  
江廣祥妻潘氏  
羅如傑妻羅氏  
周順養妻湯氏  
侯仁松妻宋氏  
黃開祥妻盧氏

歐陽尙光妻陳氏  
盧孔賢妻畢氏  
江鎮岳妻梁氏  
黃紹麟妻林氏  
曾文波妻陳氏  
王仕英妻江氏  
盧彬文妻王氏  
宋秀源妻王氏  
黃肖玉妻畢氏  
畢爵敏妻麥氏  
周儒茂妻蔣氏  
徐世就妻盧氏  
江朝望妻劉氏  
任正時妻湯氏  
駱盛文妻盧氏

花縣志

卷九

人物志 節孝

任元經妻歐陽氏  
湯英茂妻任氏  
謝偉林妻鍾氏  
譚念源妻鍾氏  
徐時貴妻盧氏  
宋灝妾陳氏  
葉裕英妻陳氏  
鍾展章妻胡氏  
劉兆華妻黃氏  
張廉芳妻程氏  
唐長能妻陳氏  
范金妻杜氏  
駱明煥妻庾氏  
任澤廣妻李氏  
湯新榮妻李氏

劉孔玲妻徐氏  
杜德榮妻黃氏  
庾國清妻羅氏  
宋維端妻劉氏  
鄧安石妻龍氏  
溫安元妻馮氏  
湯選舉妻周氏  
宋光甲妻張氏  
徐似茂妻胡氏  
駱天智妻何氏  
譚有光妻吳氏  
謝福泰妻梁氏  
駱明登妻張氏  
楊裕棚妻鄧氏  
李勝和妻黃氏

黃紹庸妻劉氏  
黃廷贊妻陳氏  
黃壽昌妻鄧氏  
宋鴻繼妻陳氏  
先宋可妻鍾氏  
侯淑機妻江氏  
湯茂敬妻古氏  
鍾裔全妻江氏  
鄧福慶妻盧氏  
林連發妻湯氏  
傅德廷妻陳氏  
駱贊彬妻湯氏  
駱裕意妻蘇氏  
駱煥彬妻譚氏  
鄧大寬妻危氏

張世琮妻吳氏  
黃文遠妻謝氏  
任達經妻駱氏  
徐作茂妻畢氏  
唐成端妻歐陽氏  
賴也輝妻吳氏  
盧萬彩妻唐氏  
任藏妻梁氏  
張統綸妻黃氏  
譚翊時妻任氏  
龍朗孚妻常氏  
梁德周妻畢氏  
張俊英妻鍾氏  
徐開華妻鄧氏  
駱維樑妻周氏

駱本仁妻植氏  
麥獻岐妻王氏  
湯可粹妻張氏  
湯泰晚妻黃氏  
溫廷楷妻林氏  
駱良芳妻溫氏  
駱昌盛妻湯氏  
龍振秩妻鄒氏  
張德安妻鄧氏  
張念尊妻王氏  
湯念祖妻黃氏  
張世昭妻湯氏  
湯釗妻李氏  
羅汝宣妻任氏  
湯虞伯妻畢氏

朱世智妻葉氏  
邱見章妻王氏  
湯錦文妻羅氏  
庾作文妻湯氏  
朱芳麟妻吳氏  
駱祥妻謝氏  
駱清揚妻蔡氏  
駱昌應妻黃氏  
曾有德妻林氏  
羅禧妻湯氏  
楊玉璜妻侯氏  
王原秀妻江氏  
范銘揚妻劉氏  
龔朝安妻湯氏  
畢鷗妻任氏

花縣志

卷九

人物志 節孝

三十四

黃聯登妻駱氏  
龔光溶妻肅氏  
劉廣達妻王氏  
張至禮妻馮氏  
畢如純妻林氏  
江鷹揚妻曾氏  
張元發妻郭氏  
宋開福妻姚氏  
宋趙氏  
徐掄正妻江氏  
王王麟妻何氏  
黃作基妻甘氏  
江帝九妻利氏  
盧堯童妻畢氏  
江秀餘妻利氏

黃楨妻崔氏  
楊栢士妻徐氏  
駱祖熙妻盧氏  
黃如明妻湯氏  
何翰圖妻張氏  
林遠士妻王氏  
黃世康妻程氏  
謝如柏妻湯氏  
黃敬修妻湯氏  
任煥章妻林氏  
溫宜元妻侯氏  
潘定堯妻江氏  
梁仕昌妻黃氏  
江東安妻胡氏  
任燦啓妻林氏

駱元輝妻謝氏  
王能清妻畢氏  
侯淑進妻張氏  
曾達相妻黃氏  
徐彩福妻陳氏  
許祥光妻湯氏  
夏宏開妾羅氏  
張鄧氏  
駱敬祥妻周氏  
法丕妻梁氏  
陳佐能妻鍾氏  
范成炳妻溫氏  
陳建堂妻氏蕭  
宋垣山妻耿氏  
許昌緒妻湯氏

張經祥妻朱氏  
許汝畧妻阮氏  
李占奇妻黃氏  
朱芳溥妻鍾氏  
朱祖裕妻陳氏  
曾奠河妻鄧氏  
溫上文妻潘氏  
侯威光妻張氏  
黃紹邦妻羅氏  
庾國勳妻湯氏  
黃衡基妻戴氏  
尤永昇妻朱氏  
張永端妻林氏  
鍾渥材妻馮氏  
黃昇遠妻何氏

江建侯妻鄧氏  
張廷榮妻朱氏  
黃啟壽妻湯氏  
李文垣妻周氏  
任聖祥妻葉氏  
譚朝汪妻譚氏  
張元富妾陳氏  
杜達顯妻鄧氏  
湯興揚妻李氏  
湯愛豐妻袁氏  
朱懷綸妻王氏  
曾國政妻唐氏  
江顯明妻劉氏  
張文煥妻王氏  
黃兆鴻妻張氏

湯國光妻畢氏  
劉啟光妻鄧氏  
湯燦昭妻黃氏  
許昌澤妾黃氏  
李天成妻湯氏  
張閏寬妻畢氏  
呂正紀妻張氏  
范善猷妻羅氏  
周紹績妻鄒氏  
湯秀論妻譚氏  
黃揚經妻林氏  
黃敏經妻湯氏  
潘元棟妻朱氏  
范善公妻侯氏  
黃協祥妻李氏

花縣志

卷九

人物志 節孝

三十五

潘清瀾妻李氏  
黃恆壽妻畢氏  
駱康元妻甘氏  
胡進昂妻王氏  
黃材昌妻陳氏  
駱傅蔭妻甘氏  
梁大棚妻蘇氏  
張雲端妻梁氏  
張滿城妻洪氏  
張至洪妻馮氏  
宋維嶙妻鍾氏  
駱堂生妻庾氏  
潘元珍妻許氏  
張天仕妻杜氏  
謝北妻羅氏

譚成植妻鍾氏  
杜汝鵬妻徐氏  
許琮南妻羅氏  
駱陞穩妻湯氏  
駱信成妻湯氏  
羅朝襄妻畢氏  
唐成燦妻羅氏  
曾瑞開妻羅氏  
彭昌英妻賴氏  
鄧兆佳妻畢氏  
嚴錦綸妻王氏  
任歲華妻黃氏  
朱儒壬妻何氏  
鍾元俊妻黃氏  
鍾高二妻侯氏

江逢緝妻畢氏  
當師實妻胡氏  
譚赦光妻謝氏  
鄧仁瑞妻畢氏  
駱教和妻鍾氏  
常盡臣妻湯氏  
周年茂妻何氏  
駱官子妻湯氏  
任子瑤妻葉氏  
許新濠妻黃氏  
黃康濟妻胡氏  
潘宏斗妻范氏  
曾四妻范氏  
鍾新福妻馮氏  
溫炳光妻歐陽氏

黃 灶妻張氏	遊道華妻湯氏	廖鳳華妻張氏
侯茂書妻李氏	潘樹妻歐陽氏	羅昌敬妻王氏
羅昌柏妻何氏	何南養妻黃氏	李勝杰妻朱氏
李昌全妻周氏	羅觀清妻譚氏	譚社貴妻劉氏
羅 揚妻黃氏	侯觀妹妻歐陽氏	何三貴妻梁氏
侯昌貴妻熊氏	潘宏三妻陸氏	潘定祥妻許氏
侯富元妻羅氏	陳英龍妻梁氏	陳 石妻潘氏
陳 何妻危氏	陳 丙妻徐氏	駱觀妹妻姚氏
賴丙秀母劉氏	吳 慶妻陳氏	侯仁崇妻宋氏
楊 社妻林氏	劉金保母李氏	侯仁堂妻韓氏
吳斯堯妻張氏	吳仕立妻錢氏	吳仕登妻伍氏
鍾文錦妻王氏	畢顧賢女鳳姑	許宗南妻羅氏
以上在節孝祠安祀		
朱煒廷妻王氏	姚經常妻潘氏	劉日新妾姚氏
<small>大造福人十八歲 寡守節六十四年</small>	<small>矮嶺人二十八歲 寡守節二十七年</small>	<small>木廣塘人廿八歲 寡守節二十七年</small>

花 縣 志

卷九

人 物 志 節孝

劉述周妻高氏	劉閏昌妻羅氏	黃敬倫妻鍾氏
<small>木廣塘人廿八歲 寡守節二十七年</small>	<small>木廣塘人廿六歲 寡守節二十七年</small>	<small>大烏石人廿六歲 寡守節三十二年</small>
林海淑妻吳氏	黃紹敏妻鍾氏	黃國憲妻王氏
<small>石灰窰人廿四歲 寡守節四十年</small>	<small>大烏石人廿一歲 寡守節六十一年</small>	<small>大烏石人廿五歲 寡守節四十七年</small>
麥朝魁妻湯氏	姚貞乾妻朱氏	姚德昌妻賴氏
<small>田心人廿三歲寡 守節四十三年</small>	<small>馬鞍崗人十九年 寡守節</small>	<small>矮嶺人廿二歲寡 守節二十年</small>
曾文波妻陳氏	宋趙氏	張鄧氏
<small>吉逕人廿四歲 寡守節四十年</small>		
畢漢章妻湯氏	駱克稠妻林氏	邱莘侯妻黃氏
任宜良妻湯氏	邱傑俊妻鄒氏	羅如傑妻盧氏
楊福集妻鄺氏	宋維綸妻王氏	徐 起妻何氏
		<small>三華鄉人廿七歲 寡守節四十四年</small>

黃 禎妻崔氏

朗頭人廿四歲寡  
守節六十年

徐世就妻盧氏

三華村人廿七歲  
寡守節四十一年

任正時妻湯氏

水口人廿二歲寡  
守節六十七年

徐時顯妻黃氏

三華村人廿四歲  
寡守節十五年

譚有光妻吳氏

文岡人廿四歲寡  
守節三十六年

黃厚成妻甘氏

朗頭人廿四歲寡  
守節五十八年

劉啟元妻杜氏

廣嶺人廿二歲寡  
守節四十二年

任元桂妻歐陽氏

水口人廿六歲寡  
守節六十八年

張元發妻郭氏

西社壇人十六歲  
寡守節五十八年

羅朝襄妻畢氏

鴨湖人二十四歲  
寡守節四十七年

羅 禧妻湯氏

鴨湖人廿六歲寡  
守節四十六年

陳鳳石妻譚氏

炭步墟人廿五歲  
寡守節五十七年

任煥章妻林氏

水口人二十六歲  
寡守節六十三年

江建侯妻鄧氏

小埭人廿五歲寡  
守節三十年

黃紹陞妻曾氏

大珠人廿九歲寡  
守節四十一年

畢 鯤妻任氏

畢村人廿九年寡  
守節十八年

黃天祐妻吳氏

小楊村人廿九歲  
寡守節四十四年

曾國政妻唐氏

龍騰里人廿六歲  
寡守節四十一年

江顯名妻劉氏

溫上文妻潘氏

任達經妻駱氏

花 縣 志

卷 九

人 物 志 節 孝

三十七

洛場人廿四歲寡  
守節三十三年

跳頭人廿九歲寡  
守節五十年

水口人廿三歲寡  
守節四十五年

徐石昌妻伍氏

三華村人廿八歲  
寡守節五十四年

龔光浴妻蕭氏

橫山頭人廿七歲  
寡守節二十六年

宋祥璉妻張氏

佳錦山人二十歲  
寡守節六十五年

任 藏妻梁氏

水口人廿一歲寡  
守節五十三

徐天泰妻曾氏

三華鄉人廿四歲  
寡守節二十三年

黃肖玉妻畢氏

朗頭人二十四歲  
寡守節四十二年

黃如明妻湯氏

朗頭人廿八歲寡  
守節四十四年

羅汝瑄妻任氏

鴨湖人廿三歲寡  
守節六十一年

黃康濟妻胡氏

朗頭人廿七歲寡  
守節二十四年

黃聯登妻駱氏

人廿一歲寡  
守節三十六年

許宗南妻羅氏

大安人廿四歲寡  
守節三十九年

駱元輝妻謝氏

蓮塘人廿二歲寡  
守節四十九年

周蔭邦妻湯氏

石塘人廿二歲寡  
守節二十九年

周紹績妻鄒氏

石塘人廿六歲寡  
守節二十九年

周順養妻湯氏

石塘人廿三歲寡  
守節三十二年

周年茂妻何氏

石塘人廿三歲寡  
守節三十年

江秀如妻利氏

洛場人廿六歲寡  
守節三十九年

鄧大寬妻危氏

小東圃人廿六歲  
寡守節四十八年

江鎮岳妻梁氏

小埭人廿三歲

寡守節四十年

龍朗孚妻常氏

檀潭人廿四歲寡

守節三十四年

曾有德妻林氏

橫坑人十九歲寡

守節四十六年

龔朝安妻湯氏

橫山頭人廿二歲

寡守節四十八年

江朝望妻劉氏

西嶺人廿一歲

守節四十一年

江東安妻胡氏

平山人廿二歲

守節三十二年

徐掄正妻江氏

三華村人廿八歲

寡守節二十八年

梁德周妻畢氏

三輒村人十八歲

寡守節四十五年

王滌清妻畢氏

大珠村人廿一歲

寡守節三十四年

江逢緝妻畢氏

小埭人廿歲寡

守節五十五年

許祥光妻湯氏

朗溪人二十歲

守節三十五年

潘定堯妻江氏

山下嶺人廿八歲

守節四十年

徐開華妻鄒氏

東邊村人廿二歲

寡守節三十三年

梁大棚妻蘇氏

三輒人廿九歲寡

守節三十二年

江漢妻楊氏

小埭人廿一歲寡

守節三十六年

江帝九妻利氏

小埭人廿六歲

守節三十六年

江東來妻劉氏

平山人廿四歲

守節三十六年

歐陽尚光妻陳氏

縣城人廿五歲

守節四十二年

花縣志

卷九

人物志 節孝

三十八

呂正紀妻張氏

見龍人廿六歲

守節三十二年

溫宜元妻侯氏

鳳崗人二十歲

守節四十一年

盧彩文妻王氏

羅洞人廿六歲

守節三十二年

劉廣芳妻江氏

大東埭人廿二歲

守節三十五年

劉廣達妻王氏

大東埭人廿一歲

守節三十二年

王原秀妻江氏

長山脚人廿歲

守節三十六年

楊仕祥妻江氏

東嶺人廿四歲

守節二十九年

王仕英妻江氏

高墾路人廿八歲

守節三十七年

王惠輝妻曾氏

九傳湖人廿九歲

守節四十六年

江守謙妻王氏

長山脚人廿九歲

守節二十四年

張念尊妻王氏

李溪人三十歲

守節四十六年

許松茂妻湯氏

社岡人廿六歲

守節廿四年

任子瑤妻葉氏

水口人廿五歲

守節二十八年

盧孔賢妻畢氏

羅洞人廿四歲

守節四十四年

賴也輝妻吳氏

水口人廿九歲

守節二十七年

任泰元妻張氏

水口人廿九歲

守節二十七年

夏宏開副室羅氏

西邊人廿七歲

守節二十六年

張世晤妻湯氏

小埭人廿歲寡守

節五十年



黃世康妻程氏

石湖人廿六歲寡  
守節三十四年

黃福昌繼室王氏

朗頭人廿二歲寡  
守節三十八年

譚念原妻鍾氏

文岡人廿二歲寡  
守節四十九年

何翰圖妻周氏

荷塘人廿八歲寡  
守節二十八年

許昌緒妻湯氏

社岡人廿四歲寡  
守節三十年

謝然妻黃氏

藍田人廿一歲寡  
守節六十五年

周健揚妻黃氏

橫沙人廿三歲寡  
守節四十五年

湯秀論妻譚氏

石湖人廿三歲寡  
守節三十五年

黃作基妻甘氏

朗頭人廿二歲寡  
守節三十六年

黃祥至妻甘氏

朗頭人廿六歲寡  
守節三十三年

龔光溶副室呂氏

橫山人廿二歲寡  
守節三十四年

許昌澤副室黃氏

社岡廿四歲寡  
守節三十七年

黃協祥妻李氏

朗頭人廿三歲寡  
守節三十二年

駱陽樓妻蔡氏

蓮塘人廿二歲寡  
守節三十七年

黃英信妻宋氏

朗頭人廿二歲寡  
守節六十四年

黃紹成妻湯氏

朗頭人廿六歲寡  
守節三十一年

駱盛文妻盧氏

蓮塘人十九歲寡  
守節四十三年

江奕妻梁氏

金崗嶺人廿三歲  
寡守節三十七年

花縣志

卷九

人物志 節孝

二十九

侯仁松妻宋氏

上古嶺人廿二歲  
寡守節三十年

王玉麟妻何氏

高壘路人廿六歲  
寡守節四十一年

楊柏土妻徐氏

楊屋村人廿四歲  
寡守節四十一年

楊玉璜妻侯氏

逆滙人廿一歲寡  
守節三十二年

盧堯章妻畢氏

羅洞人廿九歲寡  
守節十三年

湯釗妾李氏

石湖人廿一歲寡  
守節三十四年

張中就妻黃氏

寶鴨湖人廿四歲  
寡守節三十七年

胡成串妻唐氏

大東埗人廿二歲  
寡守節三十年

侯始俊妻羅氏

上古嶺人十七歲  
寡守節四十六年

譚翊時妻任氏

文岡人卅歲寡守  
節四十四年

陳建堂妻蕭氏

清譚人廿七歲寡  
守節五十一年

畢爵敏妻麥氏

畢村人三十歲寡  
守節三十五年

周儒茂妻蔣氏

石塘人廿二歲寡  
守節二十八年

李騰和妻黃氏

大份田人廿一歲  
寡守節三十九年

江廣祥妻潘氏

黃洞人廿五歲寡  
守節三十六年

曾達柏妻黃氏

蓮塘人廿八歲寡  
守節年未詳

湯釗妻甘氏

石湖人廿七歲寡  
守節三十四年

畢如純妻林氏

畢村人廿七歲寡  
守節三十六年

畢國珍妻王氏

畢村人廿三歲寡  
守節三十三年

畢文著妻梁氏

畢村人廿七歲寡  
守節二十四年

宋有開妻蔡氏

佳錦山人廿八歲  
寡守節三十五年

宋乾元妻向氏

佳錦山人廿五歲  
寡守節七十一年

周煜華妻盧氏

橫沙人廿五歲寡  
守節五十年

宋立揚妻趙氏

佳錦山人

宋瀾妻王氏

佳錦山人廿六歲  
寡

宋槐妻鍾氏

佳錦山人

宋光甲妻張氏

佳錦山人廿四歲  
寡守節五十六年

宋雯妻溫氏

佳錦山人十九歲  
寡

宋灝側室陳氏

佳錦山人廿三歲  
寡守節四十三年

宋恒妻耿氏

佳錦山人

宋鴻妾陳氏

佳錦山人

宋麟秀妻鍾氏

佳錦山人

宋端秀妻劉氏

佳錦山人廿四歲  
寡守節四十六年

宋懷烈妻王氏

佳錦山人

宋先楠妻何氏

佳錦山人

朱先可妻鍾氏

佳錦山人

花縣志

卷九

人物志 節孝

四十

宋沛妾洪氏

佳錦山人

宋維熾妻張氏

佳錦山人廿七歲  
寡守節四十八年

宋企秀妻黃氏

佳錦山人

宋槐科妻張氏

佳錦山人廿一歲  
寡守節廿八年

宋先帶妻王氏

佳錦山人

楊維釗妾楊氏

佳錦山人有傳

宋鑑秋側室楊氏

佳錦山人十七歲  
寡守節二十五年

宋紹唐妻王氏

佳錦山人有傳

宋維屏副室陳氏

佳錦山人有傳

宋小萼妾許氏

佳錦山人

宋炎章妻鍾氏

佳錦山人十九歲  
寡守節四十年

宋先河妻鍾氏

佳錦山人廿六歲  
寡守節三十六年

宋紹炎妻鍾氏

佳錦山人十九歲  
寡守節六十年

宋記宗妻王氏

佳錦山人廿六歲  
寡守節三十四年

宋士彬妻王氏

佳錦山人廿二歲  
寡守節五十四年

宋紹常妻王氏

佳錦山人廿一歲  
寡守節三十年

宋祥璉妻張氏

佳錦山人廿歲寡  
守節六十四年

宋新彰妻吳氏

佳錦山人

宋鴻章妻邱氏

佳錦山人

宋秀文妻王氏

佳錦山人廿九歲

李繩光妻江氏

佳錦山人十八歲

戴世漢妻羅氏

楓林背人廿一歲

徐木秀妻宋氏

屋寮人有傳

吳以成妻朱氏

集賢庄人廿四歲

吳以瑞妻李氏

集賢庄人卅八歲

張長妻羅氏

興隆庄人十六歲

傅德廷妻陳氏

禾塘崗人十七歲

傅弼臣妻侯氏

牛牯屯人廿七歲

傅思昌妻鍾氏

牛牯屯人卅八歲

傅豫康妻羅氏

牛牯屯人十九歲

溫綸書妻侯氏

跳頭人卅七歲寡

侯淑機妻江氏

上古嶺人十八歲

侯始齊妻吳氏

上古嶺人卅九歲

侯清賢妻陳氏

上古嶺人卅七歲

潘允炎妻何氏

山下嶺人十八歲

羅元端妻劉氏

九子嶺人卅六歲

花縣志

卷九

人物志 節孝

四十一

羅國士妻高氏

九子嶺人卅六歲

吳耀東妻陳氏

集賢庄人三十歲

潘金華妻張氏

山下嶺人卅二歲

潘學優妻李氏

山下人卅二歲寡

潘允菜妻李氏

山下嶺人十八歲

潘允炎妻何氏

山下嶺人十九歲

潘瓊樓妻侯氏

山下嶺人卅四歲

潘炳久妻范氏

山下嶺人卅六歲

潘西安妻范氏

山下嶺人卅七歲

潘允蟾妻劉氏

山下嶺人卅九歲

潘家翰妻程氏

山下嶺人卅三歲

潘英才妻羅氏

山下嶺人十八歲

潘允木妻陳氏

山下嶺人廿六歲

潘兆福妻歐氏

山下嶺人卅四歲

潘允相妻張氏

珠坎湖人卅八歲

潘允椿妻溫氏

珠坎湖人三十歲

潘緒妻侯氏

珠坎湖人四十二歲

張開興妻潘氏

東坎埔卅歲寡守

寡守節三十八年

寡守節三十二年

寡守節二十四年

寡守節四十八年

守節三十八年

寡守節三十一年

寡守節三十七年

守節二十一年

寡守節三十二年

寡守節三十四年

守寡四十一年

寡守節四十年

寡守節四十年

寡守節口十三年

寡守節四十一年

寡守節五十九年

寡守節三十六年

寡守節二十四年

寡守節六十七年

寡守節十一年

寡守節三十五年

寡守節二十五年

寡守節三十八年

寡守節四十六年

寡守節三十年

寡守節三十八年

寡守節三十八年

寡守節二中八年

寡守節三十年

寡守節三十八年

寡守節二十六年

寡守節三十六年

歲寡守節四十年

寡守節四十二年

節二十六年

吳觀福妻朱氏

集賢庄人廿四歲  
寡守節三十六年

黃雲祥妻林氏

林涌人廿一歲寡  
守節四十年

黃啟千妻湯氏

石湖人十七歲寡  
守節六十二年

黃福英妻 氏

橫崗人十九歲寡  
守節四十一年

黃林興妻龔氏

環溪人二十歲寡  
守節四十四年

黃耀訪妻甘氏

旺邊人卅一歲寡  
守節五十年

黃瑞維妻湯氏

人廿二歲寡  
守節五十八年

黃文安妻湯氏

石湖人二十歲寡  
守節五十三年

黃煥文妻湯氏

茶塘人十九歲寡  
守節三十年

黃遠春妻陳氏

赤坭人卅一歲寡  
守節三十八年

黃壯興妻周氏

橫沙人十八歲寡  
守節五十年

黃煥生妻湯氏

石湖人卅一歲寡  
守節四十八年

黃魁竟妻梁氏

人廿一歲寡  
守節五十一年

黃澤滔妻謝氏

藍田人卅四歲寡  
守節四十八年

黃洪津妻張氏

鴨湖人十九歲寡  
守節四十五年

黃世光妻湯氏

湯邊人卅二歲寡  
守節四十九年

黃時泰妻駱氏

橫岡人卅三歲寡  
守節三十年

湯廷惠妻畢氏

馮村人十九歲寡  
守節五十一年

花 縣 志

卷 九

人 物 志 節 孝

四十二

林懷儀妻李氏

馮村人卅歲寡  
守節五十年

江東來妻劉氏

平山人

江文燦妻邵氏

平山人卅一歲寡  
守節六十年

江玉璋妻唐氏

平山人二十歲寡  
守節三十一年

江立峰妻鄧氏

平山人卅二歲寡  
守節二十七年

江順滋妻鄭氏

平山人十八歲寡  
守節三十四年

湯介五妻范氏

石湖人有傳  
守節四十年

湯英受妻畢氏

石湖人二十歲寡  
守節四十年

湯德英妻任氏

石湖人有傳

湯胤祥妻劉氏

石湖人

湯超世妻甘氏

石湖人

黃思鎮妻湯氏

朗頭人十七歲寡

任長釗妻湯氏

水口人卅四歲寡  
守節三十六年

任長帶妻湯氏

水口人卅二歲寡  
守節四十一年

湯澤霖妻湯氏

石湖人

邱萃侯妻黃氏

馮村人

湯廷燾妻林氏

馮村人十九歲寡  
守節四十九年

湯乃襄妻黃氏

二十歲寡

劉德普妻潘氏

天心塘人千八歲

寡守節三十六年

湯秀倫妻譚氏

劉德福妻鍾

天心塘人十七歲

寡守節四十六年

譚文悟妻甘氏

藏書院人廿四歲

寡守節六十九年

黃煥生妻湯氏

朗頭人廿六歲寡

守節四十一年

黃朝愛妻湯氏

坵頭人廿六歲寡

守節四十六年

黃賢生妻張氏

坵頭人廿二歲寡

守節五十年

黃仕林妻羅氏

坵頭人廿五歲寡

守節四十三年

黃鏢銓妻湯氏

坵頭人廿五歲寡

守節二十一年

黃錦妻湯氏

坵頭人廿二歲寡

守節二十年

黃朝輔妻湯氏

坵頭人廿一歲寡

守節三十一年

黃滿朝妻湯氏

坵頭人廿一歲寡

守節三十一年

黃贊祖妻羅氏

坵頭人廿九歲寡

守節三十一年

黃朝解妻譚氏

坵頭二十八歲寡

守節四十年

任鶴儔妻鍾氏

二十九歲

寡守節三十一年

任恣剛妻湯氏

二十八歲

寡守節三十一年

花縣志

卷九

人物志 節孝

四十三

任遠成妻湯氏

二十七歲

寡守節二十九年

任述志妻黃氏

十九歲

寡守節二十九年

任桂茂妻黃氏

二十歲

寡守節三十七年

任君棠妻黃氏

二十五歲

寡守節三十一年

林慶祥妻湯氏

馬溪人廿七歲寡

守節五十一年

林達生妻黃氏

馬溪人二十五歲

寡

林兼泰妻李氏

馬溪人十九歲寡

林汝昌妻畢氏

馬溪人二十歲寡

林杏昌妻黃氏

馬溪人

林積成妻何氏

馬溪人二十歲寡

林有僚妻黃氏

馬溪人十九歲寡

林羅綱妻姚氏

馬溪人二十五歲

寡

林紹東妻黃氏

馬溪人二十歲寡

林寶濂妻畢氏

馬溪人二十一歲

鍾耕林妻畢氏

鍾村人廿九歲寡

徐起妻何氏

三華鄉人二十八歲寡

徐鈞正妻鍾氏

三華人二十九歲

徐掄正妻江氏

三華村人二十六歲寡

徐貴旋妻畢氏

三華人三十歲寡  
守節三十五年

徐世就妻盧氏

三華人

徐時顯妻黃氏

三華人三十歲寡

徐氏密姊

三華人不嫁事母

楊氏貞好

楊屋村人不事父  
母

吳母妻曾氏

集賢庄人十六歲  
寡守節十二年

張禾妻吳氏

大坪人十五歲寡  
守節二十三年

姚經常妻潘氏

矮嶺人廿八歲寡

黃敬僑妻鍾氏

大烏石人廿六歲  
寡守節三十二年

黃國憲妻王氏

大烏石人廿五歲  
寡守節四十七年

黃紹敏妻鍾氏

大烏石人廿一歲  
寡守節六十一年

姚貞乾妻朱氏

馬鞍岡十九歲寡

侯保堂妻龍氏

上古嶺人十七歲  
寡守節四十年

侯汝接妻范氏

上古嶺人廿三歲  
寡守節三十九

劉清桃妻陳氏

上古嶺人廿歲寡  
守節四十八年

宋閨才妻侯氏

大墳塾人十八歲  
寡守節三十年

駱可德淑配何氏

華嶺人廿六歲寡  
守節五十六年

駱維樑淑配周氏

華嶺人廿四歲寡  
守節五十一年

花縣志

卷九

人物志 節孝

四十四

駱俊光淑配湯氏

華嶺人十七歲寡  
守節六十六年

任恩梯妻黃氏

水口人廿三歲寡  
守節三十一年

林連發妻湯氏

南洞人

邱仕昌妻鄒氏

牛仔譚人十八歲  
寡守節七十一年

胡槐妻潘氏

烏柏塘人廿五歲  
寡守節二十一年

江文柏淑配畢氏

小埭人

江孟貽次配何氏

小埭人廿四歲寡  
守節五十年

江寶潤妻徐氏

小埭人十六歲寡  
守節二十五年

江太平淑配張氏

小埭人廿六歲寡  
守節四十七年

江慶長妻畢氏

小埭人十八歲寡  
守節五十五年

江慶成妻盧氏

小埭人廿七歲寡  
守節四十七年

江慶成妾王氏

小埭人廿二歲寡  
守節五十三年

江子杭妻王氏

小埭人十九歲寡  
守節二十六年

江子靈妻劉氏

小埭人廿七歲寡  
守節四十三年

江子靈妾梁氏

小埭人十六歲寡  
守節四十五年

盧浩陵妻鄺氏

瀝貝人廿二歲寡  
守節二十四年

周日發妻王氏

大珠村人廿一歲  
寡守節二十九年

周全發妻王氏

大珠村十九歲寡  
守節廿二年

庾永猷妻駱氏

新泰人廿一歲寡

守節五十一年

庾永泰妾駱氏

新泰人十九歲寡

守節五十六年

黃瑞維妻湯氏

朗頭人三十歲寡

守節六十年

湯可沛母張氏

石湖人

利文波妻梁氏

小埭人十九歲寡

守節六十七年

利扳儒妻江氏

小埭人二十歲寡

守節六十五年

江永權妻繆氏

沈邊庄人

江麟禎妻梁氏

沈邊庄人

耆壽表

黃呈仲

一百零八歲

湯振銘

茶塘村人一百歲

黃豐

李婆洞人一百零三歲

王裕康

大珠村人九十三歲

徐穎生

三華村人一百零一歲

黃經聯

小楊村人九十六歲

吳宏滔

集賢庄人一百歲

譚世光

文岡村人一百歲

劉紹祿

天心塘人一百歲

湯紹亮

湯村人一百歲

劉啟湘

天心塘人九十六歲

葉松齡

龍塘村人九十四歲

利源瀚

小埭村人九十二歲

畢桓

畢村人九十歲

壽婦表

花縣志

卷九

人物志 節孝

四十五

駱鄭氏

駱有顯繼室維彬曾祖妣華嶺村人一百零三歲徐

徐駱氏

徐夢德妻三華鄉人一百零三歲

歐陽劉氏

歐陽善聰妻田心庄人九十七歲

吳林氏

吳宏滔妻集賢庄人一百零一歲

潘馮氏

潘品題妻山下嶺人一百零一歲

侯梁氏

侯耀光妻上古嶺人一百

邱鍾氏

邱國輝妻紫坭庄人一百

任湯氏

任炳光妻水口村人一百

劉黃氏

劉紹祿妻天心塘人九十八

宋向氏

宋乾元妻佳錦山人九十六

任歐陽氏

任元經妻水口村人九十三

譚甘氏

譚文悟妻藏書院人九十三

黃湯氏

黃瑞維妻朗頭鄉人九十

邵龍氏

邵庇成妻鐵山鄉人九十三年

